

UKULABA KWAKU MUPASHI



Nomba Ndecetekela, nomba Ndecetekela,
Ifintu fyonse kuti fyacitwa, nomba
Ndecetekela;
Nomba Ndecetekela, nomba Ndecetekela,
Ifintu fyonse kuti fyacitwa, nomba
Ndecetekela.

² Natwiminine pakashitafye akanono nomba ku Cebo cakwa Shikulu. Lekeni tupilibwile kuli Amose, kasesema Amose, chapitala ya 3, ukutendeka na versi ya 1.

³ Ndefwaya ukutotela Nkashi Juanita na Anna Jeanne na Nkashi Moore, pali shilya inyimbo ishakubwekeleshapo. Cacisa mbwesha, ilyo Nacikala palya no kukutika kuli lwena. Nacilatontonkanya ukutila, ilyo bali naifwe, baleimba mu musonkano, Munyina Jack na Ine twalelanda, balya abakashana bali abakashana abanono, abanonofye ikumi limo na mutanda, icintu cimo nga ico, umukashana. Nomba, Ndetontonkanya, Nkashi Anna Jeanne akwata abana basano, na Nkashi Juanita ali—ali... nyina wabana bibili. Kibili ifwe tuli mupepi nganshi kukuwa kwakasuba, banamayo, ukucila ifyo twali lilya, nalimo imyaka ikumi limo na mutanda ukupusana. Tacasende inshita, tuleya kwishilya, ilya nshita iyabukata.

⁴ Nomba muli Amosi chapitala 3, natubelenge.

Umfweni ici cebo ico SHIKULU alandile ukulola kuti imwe, O mwe bana bakwa Israeli, ukulola ku lupwa lonse ulo Naletele... ukulufumya mu Egypto, ndetila,

Imwe nimwefye Naishiba... mu ndupwa shonse isha pe sonde: eico Ine ndino kumikanda pa... mampula yenu.

Bushe babili kuti baendele pamo, kano basuminishanya?

Bushe inkalamo kuti yalila mu mpanga, lintu taikete inama? bushe umusepela wa nkalamo kuti yalila ukufuma mu ninga yaiko, ngacakutila tailile nangu cimo?

Bushe icuni kuti caponenna mu citeyo pe sonde, apo ulukose taluteelwe cena? bushe umo kuti asende iciteyo ukufuma pe sonde, kibili ukwabula ukusendapo nangu cimo ukufuma pali cena?

Bushe ipenga kuti lyalila mu musumba, nabantu bakana ukutina? bushe kuti mwaba ububi mu musumba, na SHIKULU teu citile ico?

Icine cine Shikulu . . . tekuti acite icintu nangu cimo, lelo abala asokolwela ifya nkama fyakwe ku babomfi bakwe ba kasesema.

Inkalamo nga yalila, ninani ushi ngatina? Shikulu . . . na landa, ninani ushinga sesema?

Natukontamikeko imitwe yesu.

⁵ Shikulu Yesu, lekeni ici, i Cebo Cenu, Shikulu, lekeni tukwate isenge munshita ino iyabushiku pali ici ciputulwa. Twapepa, Shikulu, ukutila Imwe mwalatupela icilimo muli ici icakusambilila cikalamba, ico ifwe twalasenda ukufuma pano, kabilo lekeni cilete ubucindami kuli Imwe. Tupaleni ilyo tulelolela, Shikulu, munshita ino iyabushiku, ukubafye pa Cebo Cenu. Undapeni abalwele nabalecula. Pususheni abaluba. Peleni amaka kubanaka, Shikulu, abo abaleya balenaka, kuli fyонse fibili kumibili nakumupashi. Kabilo peleni kuli ifwe ukupongoloka ukukalamba ukwa Kubapo Kwenu, pantu twaipusha ici mwi Shina lyakwa Yesu. Ameni.

⁶ Ndefwaya ukubula isambililo, ukufuma pali ici, munshita ino iyabushiku: *Ukulaba Kwaku Mupashi.*

⁷ Mwilaba, mailo ikesa, kwena kukaba ukupepelako abalwele. Tuleenekela Shikulu ukucita ifintu ifikalamba ifyacilapo, mucungulo mailo pa tuu koloko, apo ifwe . . . elintu tukatampa ukulongana kwesu. Umulumendo akaba pano akalapela ifitupa fyakupepelwapo. Kabilo onse umuntu akapepelewa uyo uulefwaya ukupepelewako. Kabilo tuleenekela ukukwata inshita iisuma, mailo, muli Shikulu.

⁸ Nomba imwe mwebantu bali pano, mwebeshile ukufuma kunse kauno musumba. Ibukisheni ukutila, kuliko ayasuma, ama chalichi ya mwisulo wa Mbila nsuma ukuya monse mu musumba. Imwe muli abapokelelwa muli yonse.

⁹ Naciba ndelandafye kuli umo kakumba tubomba nankwe, panse, aingilafye mukati, Munyina Jackson, uwali wamu chalichi ca Methodisti, umusumba umo nangu ibiili pe samba lyesu.

¹⁰ Kabilo nibanga abali muno abo abaampana pamo ne hema, lekeni tumone amaboko yenu, ukuli konse. Owe, Ndi icine—icine uwansansa pakuba na imwe pano. Uku ekulongana ukwapalamisha uka Nasangwako naile ku Indiana pakashita akanono. Ndetontonkanya palwa kubwela, ililine, kabilo ukwisa imika itenti kabilo nokukwata yalya Amapenga cinelubali aya kulekelesha, Shikulu ngaasuminisha.

¹¹ Eico, nomba, lelo ibukisheni mailo. Mwilabako kuli ico, mailo pa tuu koloko. Kabilo, nomba, ukulongana kwesu ukukakonkapo ku katendeka umulungu uleisa, mu Tampa, Florida.

¹² Nomba Ndefwaya ukulanda pa: *Ukula-... Ukulaba kwaku Mupashi.*

¹³ Nomba, uyu muntu umunono uo tulelandapo, Amosi, pakashitafye akanono, ukuleta ifyakunuma fyesu ilyo tatulafika mwisambililo. Iyi yali ni nshita iya kulunduluka ukukalamba mu Samaria. Israeli ali lundulwike. Bena icine cine balikonkele isonde kibili bali lundulwike.

¹⁴ Te lyonse ukutunguluka kuba icishibili ca mapalo yaku mupashi, lelo inshita shimoshimo cilaba icapusanako. Abantu batontonkanya ukutila limbi iwe uwfile wakwata ifipe ifingi ifya mwisonde, kibili nokulanga ukuti Lesa ali lipalo kuli iwe. Ico te cine. Inshita shimo cena ciba ku lubali lumbi.

¹⁵ Lelo tulesanga, ena, ifwe tatwishiбе ifingi palwa uyu muntu umunono. Ena, ifwe tatwakwata ilyashi lyakale, uko ena afuma. Ifwe natwishiба ena, umwabela Amalembo pano, ena ni kacema, lelo Lesa ewamukushishe.

¹⁶ kuti naelenganya ukumona, ubushiku bumo ubwakaba mu Samaria mulya, umo uwali umusumba ukalamba uwabatandashi ba filengwanalesa mwisonde muli shilya nshiku. Cintu cimo mubantiko bwa, ico twingatila, Miami, nangu—nangu Hollywood, LosAngeles, shimo incende kwati ngefyo, incende shimo ishikalamba isha batandanshi bafilengwa na lesa. Kibili ifwe kuti twaelenganyafyе ukumumona. Tatalile sangwa mu musumba waba nga filya. Lelo, ena alikwete i Cebo cakwa Shikulu, aleisa kuli uyu musumba uukalamba uko ulubembu lwatulikwa kumbali shonse. Ba kapyunga bonse balifumineko ku Cebo cakwa Lesa, kibili tabakwetepo kasesema pa myaka iingi.

¹⁷ Kibili eico uyu umuntu munono, nga fintu aninine pa muulu wa lupili, kulubalifye ulwa ku kapinda ka kukulyo aka Samaliya, Ine ndeelenganya ukumumona, akasuba akakaba nakabalika panshi, kibili ne myemfu yakwe iya fitulukila pa cinsو cakwe, kibili na meno yakwe ayanono nayacepa, kibili no wakwe uunono, umutwe wepala, ulebengeshima ilyo ena aloleshe pesamba lya musumba. Kibili na meno yakwe nayabwela. Ena taleolesha paco abatandashi bafilengwa na lesa lyonse baloleshapо, ukuya ku musumba nokumona ifisuma. Ena aloleshe nokumona ifyo ulya umusumba waishileba, umusumba pa nshita imo uwali umusumba wakwa Lesa, kibili waingile mumibele yakonaika iyaba nga filya. Emulandu...

¹⁸ Uyu umunono, umuntu uushaishibikwa ali ni Amosi kasesema. Kibili nomba tatwishiбе ifingi palwa ena. Tatwishiбе uko afumine. Bakasesema ilingi line balesa mukubapo, ukwabula ukwahibikwa, baya munshila imoine. Ifwe tatwaishiba uko bena bafuma, noko bena baya, tatwaishiba palwa ntapilo yabo. Lesa abakushafye bena. Ena tapali nobusuma pali ena ubwa kuloleshapo, lelo ena akwete EFYA

SOSA SHIKULU. Ico e cintu icikalamba ico Ine ndemonia. Ifyo fine, ena aishile ku Samaliya ukwisa tampa ukulongana kwakwe. Ndi uwashininkisha ukutila ena takwete ukumfwana ukufuma ku muntu nangu umo. Ena takwete icitupa ce senge ukufuma ku cilonganino icili conse. Ena takwete ifipepala ifyakulangisha ibumba afumako. Kibili, lelo, ena akwete icintu cimo, ena akwete i Cebo icakwa Shikulu ica ulya umusumba.

¹⁹ Kibili Ndesunguka, nga cakutila ifwe kuti twasenda Amosi, ileelo, ukumuleta munshita yesu, Ndesunguka nga cakutila ena kuti aba uwasengelwa mu musumba wesu ileelo. Ndesunguka nga cakutila kuti twamupokelela, nangu ifwe kuti twacitafye nga fintu bena bacitile. Tulesanga imisumba yesu ukuba mukonaika kumo kwine. Kibili tulesanga ukutila ulubembu lulifye ulukalamba pakati ka bantu, nga fintu cali lilya. Kibili Ndesunguka, nga cakutila uyu umuntu umunono, umuntu uushaishibikwa, musango nshi ali nokutampilamo uku ukulongana? Nimumusango nshi, nipesa apo ali nokutampila? Chalichi nshi ali nokuyako, nangu ninani uuli nokumfwana pamo na ena? Ena takwete nangu cimo icakulangisha uko afuma, takwata nangu cimo nakalya lelo alifye na EFYA SOSA SHIKULU kuli ulya umusumba.

²⁰ Abasangile abaonaika nganshi kibili abaonaika mumibele, yena yali ni nshita iikalamba. Umwanakashi muli ulya umusumba asangwike ukuba mupepi nga fintu baba mu United States. Bena baliba abaonaika. Ifintu fyonse ifyo Lesa asubile ukufuma muli bena, fyena fyaile munshila imbi. Kibili—kibili tulesanga ukutila yena yali ni ncende iikalamba iyo bena baleshana mu musebo, abanakashi balyonaike ukufula ifyakufwala fyabo, nefili ngefyo, kwati ni bakafula wa fyakufwala bacilende. Pantu, cilya cali cakusekesha ica palwalala muli shilya inshiku, nomba cena cicitwa cila bushiku. Lekeni kubefye ukwakaba, kibili iwe tekuti ufwaye ukuya kubulangisho ubuli bonse. Bena baba pamusebo, ku ncende konse, mu musango onse. Cansonni kuli imwe mwe banakashi, ukucita icintu icaba ngefyo! Bushe imwe tamumfwa insoni pali imwe mwebene?

²¹ Kibili nomba—kibili nomba Nacilanda ico kuli uyu umwanakashi pano, tapapitile inshita, kibili ena acitila, “Mulandu nshi,” ena acitila, “Munyina Branham,” acitila, “ukutila, ico—ico cabafye kwati nikuli bonse abashala abanakashi.”

²² Nacitila, “Lelo ifwe tatufwile ukucita kwati ni bonse abantu abashala. Ifwe twalipusanako. Ifwe twaba a—abamibele yapusanako.”

²³ Cilenjibukisha pa mwanakashi, atile, “Ukuba, Munyina Branham,” umbi nao atile, “Ine—Ine—Ine nshifwala tulya utuputula.” Atile, “Mfwala amatoloshi.”

²⁴ Natile, “Ico cabipishapo.” Uh! “Lesa atile, ‘Cena ca muselu,’ mu cinso Cakwe, ‘ku mwanakashi ukufwala icakufwala icilolele ku mwaume.’” Ico nacilungama bwino bwino.

Umo atile, “Ukuba, bena tabapanga ifyakufwala fimb.”

“Bena bacili balepanga ba mashini bakubililako nokukwata ifintu.”

²⁵ Tapali ica kufisamamo. Ico cabafye mucaba mu mutima. Ico ecilangwa kunse. Cena—cena cilailangisha palwaciko ceka.

²⁶ Kibili nomba tulesanga, muli uyu umusumba, wena waba uwaonaika mumibele. Bakashimikila baletina ukulanda icili conse palwa ico. Kibili, lelo bena bakwete umunono, uyu umuntu umunono umukalamba uwafumine kulya ku culu, aleisa mukubebea EFYA SOSA SHIKULU, “Ukuwamya ici cintu, nga teifyo imwe muli nokuya muli bunkole.” Kibili aikele ukumona ukuti inshiku sha busesemo bwakwe shafikilishiwa. Ena aseseme mu nshiku shakwa Yeroboamu wa Cibili, ulya uwali uwasulwa, nangu ifyo; ena—ena atemenwe ifyalo fimb. Kibili—kibili uyu umunono Amosi aseseme nokubebea, atile, “Uly wine Lesa untu imwe mulanda ukubombela, Ali nokumyonaula.” Kibili Ena acitile ico.

²⁷ Kibili nga cakutila ishiwi lyakwe kuti lyaba pano muno bushiku, mu... mu Birmingham, lyena kuti lyalanda icintu cimo cine kuma chalichi. “Lesa ulya wine untu imwe mulanda ukubombela, ali nokumyonaula ubushiku bumo.” Nshilelanda kuli ili ibumba pano. Aya amatepu yalaya mwi sonde lyonse. Nomba, ibukisheni, ico e cine.

²⁸ Nomba asangile ukutila, lintu aingila mu musumba, ukutila ena... fyonse ifi ifintu, Ndesunguka umusango untu ena aumfwillemo ukulolesha nokumona kulya ukonaika ukwa bantu bakwa Lesa, uko ena atuminwe ukuya.

²⁹ Ndesunguka nga cakutila ifwe kuti twamupokelela nomba? Nga cakutila aishile ingilamo, bushe ifwe—bushe ifwe kuti twaumfiana pamo naena? Bushe ifwe kuti twamupela ifisuma fyesu—fyesu? Bushe ifwe kuti twaumfwa kuli ena? Bushe ifwe kuti twalapila nga cakuti ena atweba ifwe ukutila tufwile twabwelelamo ku Cebo icakwa Shikulu nokucita munshila iyo Shikulu atile tucitilemo?

³⁰ Ndesunguka ifyo ba nkashi besu bengacita pa mishishi yabo iya putulwapo? Bushe bena kuti baleka imishishi yabo yakula nakabili, nga cakutila Amose aisa bapo? Ena kuti ashimikila pali ico, kibili Ndemyeba ukutila, pantu ico e Cebo cakwa Shikulu.

³¹ Ine—Ine ndesunguka nga cakutila abesu—nga cakutila amabumba yesu aya bakalamba yalya ayafumishepo ba dikoni, balyupa imiku itatu nangula iine, kibili—kibili nefyaba ngefyo, kibili ukwesha ukuba ba dikoni, Ndesunguka nga cakutila ifi fintu fyonse, Ndesunguka ico ena engacita ku muntu uwingaleka

umukashi wakwe ukufwala utuputula nokufumina mu misebo mulya, kibili ukuputula iyadi naka mashini, mulya mu yadi, lintu umuntu alepitafye? Ndesunguka ico ena engalanda ku muntu kwati ngefyo?

³² Ena icine cine kuti akalipa na fyonse ifili muli ena, pantu ena alikwata EFYA SOSA SHIKULU, kibili ena tekuti acite icintu cimbi kano ico. Abasangile bena muli bulya ubushiku nomulandu uwabipa uwa bulwele, ukulaba kwa ku mupashi, kibili ico ecofyne bwino bwino tukwete ileelo.

³³ Nomba, nimumusango nshi ena aishibe ico icali nokucitika? Nimumusango nshi Amose ali nokwishibilamo? Mukubalilapo, ena ali nikasesema. Kibili, icintu cimbi icakonkelepo, ena aishibe ifyo ubulwele bwali, kibili ena alishibe nefyali nokufumamo.

³⁴ Nga cakutila dokota alolesha pamibebe nokumona ukutila ubulwele nabwitatilila, ena aleshiba ukutila tapali nangu cimo icishele lelo kano imfwa. Epelafye, kano Lesa acitapo icintu cimo palwa ico.

³⁵ Ukuba, lintu iwe walolesha pa musumba, kibili walolesha pa bantu, iwe walolesha pa chalichi, kibili nokulolesha pa bantu abo pali ico balifuma kuli Lesa, tapali nangu cimo lelo kano ukufwailisha lelo, “Ulubembu! ‘Kibili necilambu ca lubembu nimfwa.’ Cena kufwa.” Icakufwailisha ecishininkisha ifyo cena cili. Mwamona, lintu abantu bafumako kuli Lesa kibili bakana ukumfwa ku Cebo, tabakwata nakabili ukukabila ukwa Cebo, nomba kulifye icakufwailisha cimo kuli ico, “Mweo uyo uubembuka, uyo umweo uli nokufwa.” Ukukana cetekela kuli nokupatula iwe ukufuma kuli Lesa.” Ico nacilungama bwino bwino.

³⁶ Ukutila, ena alishibe ifyo ubulwele, ifyo ifyakufumamo ifyo fyali, lintu ena amona ubulwele ubwa—ubwa lubembu mu musumba.

³⁷ Nomba, uku ukulaba, ifwe nabatweba kwena ni—ni—ni... pantu cilenga iwe ukuba pa ncende apo iwe tawinga ishiba we mwine. Nomba, cena te cintu ici citika lyonse. Cena tacicita imiku iingi, lelo ifilenga fifuma kukumfwa umwenso. Cena ciba muntu umo uyo ushaishiba nangufye ifyo ena aba. Mukacisanga ukufuma mubulwi, inshita shimo shimo, ababulwi balakwata ico. Inshita shimo shimo abantu balakwata ico. Icintu cimbi icileta ico, kusakamana. Ukusakamana kuli nokuleta ico.

³⁸ Ukusakamana takwakwata amaka kuli ico, nakalya. Ee, fye—fye—fye kutoloka ukusakamana, kibili nokupokelela ukucetekela.

³⁹ Umuntu umo atile, “Ukuba, nomba, nga cakutila iwe bali nokukulasa imfuti mulucelo, bushe iwe tekuti usakamane?”

Natile, “Iyo, nshiletontonkanya ifyo.”

“Malandu nshi?”

Natile, “Ukusakamana tekuti kucite nangu cimo lelo kunengafye ukuba uwabipilako.”

“Ukuba, cisuma nshi cili nokucita pakukwata icicetekelo?”

Natile, “Cena limbi kuti campususha.” Kabili ico nacilungama, mwamona.

⁴⁰ Eico ukusakamana takwakwata amaka kuli ico, nakalya, lelo icicetekelo calikwata amaka yonse. Cetekela!

Nomba ukusakamana inshita shimo shimo kuleta ico.

⁴¹ Kabili icintu cimbi icalengele ico pabantu, kuba pamatontonkanyo yabili. Ico cilenga ukulaba. Kabili cikutwala ku ncende uko iwe—iwe, mucine, ifyo wacita, naulufya amatontonkanyo yobe. Iwe naulufya amano yobe. Iwe tekuti upange... Iwe tawishibe untu waba. Iwe tekuti wishibikwe wemwine. Iwe kuti waenda enda, ukulya nefintu fyonse, lelo, iwe, nalyo line tekuti uilangishe wemwine. Walikwata amasambililo yobe ayakusambilila, iwe kuti... amasambililo yamo yene ayo wakwete, lelo tawishibe uko cafumine, tawishibe untu waba, uko iwe usangwa. Uko kulaba, ifyo efyo batweba.

⁴² Ifwe twishibikilwa pamo ne ndupwa shesu, muli uyu mweo wabantu, kucupo. Kabili nabakashi besu, tulopa, kabili ulupwa lwesu lwichibikwa ku kwampana kwesu—kwesu—icupo cesu. Kabili nomba, ukutontonkanya, nga cakutila ici cintu cakutinya kuti cacitika kuli imwe kabili tekuti mube abakwibukisha uo mwaupa, uo umukashi wenu aba, abali abana benu, uo bawiso nabanoko baba, uo abena mupalamano benu baba? Ico kuti caba i—icintu icabipisha.

⁴³ Nomba tuleshibikwa, nakabili, kuti twaishibikwa fwebene mumutundu wamuntu, mukukwata amano kabili—kabili ukuba uwaibela ukufuma ku mweo wanama. Inama tekuti itontonkanye, yena ipangafye ifiunda. Yena tayakwata umweo. Kabili, lelo, ifwe tuli mweo wanama. Icitupusanyako... Tuli nama, lelo ifyo... Ilya inama ninama iyakaba umulopa, kabili twaba mumusango wanama. Lelo ni cinshi icitulenga ukuba abapusanako, ifwe twishibikwa ukupitila mukukwata umweo, kampingu uyo utweba ukuti ico nacilungama neco cilubo.

⁴⁴ Nomba paliba incende, lintu iwe wakwata uku kulaba, iwe limbi kuti waba kwati nga Nebukadinezzali, ifyo ali, uwaisumbwile umwine eka palwakwe panshita imo, kabili Lesa amulekele ena ukutontonkanya ukuba nge nama. Kabili aikele mu matololo kabili—kabili ukulya icani nge ng’ombe ilume. Kabili—kabili imishishi yakwe—yakwe yamenene pa mubili wakwe, kwati masako yakwa kapumpe, kabili akwete umutima wanama muli ena. Mwamona? Cilya cali kulaba, pantu ena alabile ukutila ni mfumu. Ena alabile ukutila ena ali muntu.

Kabili atontonkenye ukuti ni nama, eico alecita kwati ni nama, pantu alilabileko ukuti muntunse.

⁴⁵ Ico cintu caanguka nganshi, ileelo. Kabili tulalaba, inshita shimo shimo, ifyo i Chalichi cabena Kristu caba. Ifwe tucita kwati nge sonde. Ico cilangisha ukutila twalikwata ukulaba kwaku mupashi, pantu imwe tamucita nga bena Kristu. Mucita kwati nge sonde. Mwapokekelela umutima we sonde, kabili euleta ici.

⁴⁶ Pano ifwe—ifwe tulesanga ukutila Israeli ali ilangishe pa lwalala, ailangishe kwisonde, kabili aponene muli uku ukonaika. Kabili uyu kasesema atuminwe ukubafumya muli ici, ngacakutila kuti acita, kabili nokubeba. Lesa, ku kusenamina Kwakwe, asalile Israeli ukufuma ku ndupwa shonse ishashala pe sonde. Ukusenamina ekwacitile ico. Abapele ukusala ifyalo. Abapele amayanda ayo tabakulile. Lesa ewacitile cilya, abasaalile bena. Abapele amabala ayo tabashitile. Ena—Ena abapele, Abapele ifyakulya ifyo tabalimine. Abapele ifishima ifyo tabaimbile. Abapele ukucimfyu uko tabacimfishe. Abapele ukusenamina uko tababombele icisuma. Lesa acitile ico ukupitila muku senamina Kwakwe pali aba bantu, Israeli, abasalwa Bakwe, abatemwikwa Bakwe.

⁴⁷ Kabili Atile, muli Baibele, “Amusangile mu mpanga, ngo mukashana umunono naikala mu mulopa wakwe, kabili Amusambile nokumuwanmya ena, kabili eco Acitile. Lelo panuma yakwa Lesa ukulangisha konse uku ukutemwa kuli ena, kabili aishileba umukankala,” ena akwete ukulaba, ukulaba, “kabili alabileko konse uko ifi fintu fyafumine.”

⁴⁸ Ndetontonkanya ico e cikope ca U.S.A., mu 1964. Ena alecula nobulwele bumlo bwine. Ifwe tuli ma chalichi ayakalamba aya maka. Ifwe tuli abakalamba, abantu ba maka. Twaba ama millioni mu mpendwa, kabili twalilaba uko ifi fintu fyafuma.

⁴⁹ Bena bakwete umulandu uwabipa uwa ico. Panuma Lesa ali umusuma kuli bena, kabili nokubafumya monse mu fyalu fya busenshi, kabili nokubapanga abantu abapatululwa, abapatulwile kuli ena Umwine eka. Atile, “Abulile umwangashi ukuufumya mu calo cimbi nokuubyala mu calo cimbi, kabili nefyo Ena aupangile ukuba monse ukuulenga ukutwala ifisabo kabili ukuba uwasanda, lelo umwangashi walabile uko amapalo yauko yafuma.”

⁵⁰ Eico nga bantu bakwa Lesa, muli shino inshiku shakulekelesha, natulaba pafyo ubunte ubwakuba abena Kristu cipilibula. Cena nakabili, nyuku kwine ukulaba kwalisa pakati ka bantu. Bena balafilwa ukuishiba abene beka palwabo.

⁵¹ Bena, bena balabile fyonsse palwa Cena. Bena balabileko kuli bumushilo Bwakwe. Bena balabileko kwifunde Lyakwe. Abanakashi baleikala kwati banakashi bambi abashala.

⁵² Ichalichi cakwa Lesa na bantu Bakwe lyonse efyo baba, “Abantu abapatuka, a-abantu abaitwa ukufuma, abantu abaibela, icalo ica mushilo, bushimapepo ubwa bufumu; ukulapela amalambo ya bumupashi kuli Lesa, ifisabo ifya pa milomo yabo, ukulapela ukulumbanya kwi Shina Lyakwe.” Lesa aitile i Chalichi Cakwe kibili nokucipatulula Cena ukufuma kwi sonde, pali uko kwine ukukabila. Kibili Apele cena amafunde, kibili Ena, Cena, cifwile ukuba ica mushilo. Atile, “Ndi wa mushilo, kibili imwe mufwile ukuba aba mushilo, kibili ukwabula bumushilo takuli umuntu nangu umo uuli nokumona Shikulu.” Lesa alandile ico, palwakwe Umwine eka.

⁵³ Kibili Aitile aba abantu ukuba abantu ba musango uyu, lelo bena balabile palwa ico. Bena balabile ku mafunde Yakwe, kibili bena balabile kumibele iisuma yabo. Abanakashi bafumine mumisebo, abanakashi ba bena Israeli kulya, cila umo aleenekela uku—ukuba uwaimita ukupitila muli Mupashi wa Mushilo, ukufyala Messiya, kibili nomba ukulacita ngefyo. Imibe yabo yali iyabipisha.

⁵⁴ Ndefwaya ukwiminina pano pali mineti, ukulanda ukutila cena cintu cimo cine pakati ka bantu besu, ileelo, abo abaita palwabo abena Kristu. Imibe yabo, nga cakutila imwe kuti mwailukafye!

⁵⁵ Inshita imo, ku Masamba. Nabelengele ilyashi ukufuma kuno, apo lintu bena balekwata abasha. Basendele balya abantu nokubashitisha pa mushika, pamofye ngefyo mwingacita kuli motoka yabombapo. Kibili nomba kwaleba kashita, uwakwiminina pakati, aleisa nokusala aba abasha nokubashitisha, kibili pamofye ngefyo mwingacita kuli motoka nangu icintu cimo.

⁵⁶ Kibili bonse balya abasha balefuma ku calo cabu bekalamo. Balefuma ku Africa. Ama Boers balebafyusha, nokubaleta kuno mufilila, kibili nomba ukubatwala ukwabula ifunde ukubatwala ku United States nokubashitisha ngabasha, ukufuma kulya mu Jamaica nokushinguluka.

⁵⁷ Nomba tulesanga ukutila balya abantu bali ababulanda. Bena babafyusheshefye ukufuma mu mayanda yabo. Bena basendelwe no mulwani, kibili bali ababulanda. Bena tabali nokumona abalume babo nakabili, nangu abakashu babo nakabili, ba wishi naba nyina wabo, na bana babo. Bena mukupwililika bali...Balebalopola ifikoti, ne fyembya, pakubalenga ukubomba, pantu bena bali abantu babulanda.

⁵⁸ Kibili ubushiku bumo, uwaleiminina pakati aishile kwibala lya filimwa limo, amwene ibumba lyabasha kulya balebomba. Kibili ena—ena aingile mukati nokwipusha umwine, atile, “Nibanga abasha abo ukwete?”

Atile, “Mupepi no mwanda.”

Atile, “Naukwata bamo abo twingacinjanya nangu ukushitisha?”

Atile, “Ee.”

Atile, “Lekeni mbacecete.”

⁵⁹ Kibili afumine nokuya mu mpanga nokubamona, kibili abamwene balebalopola. Kibili panuma yakashita akanono, amwene umo umulumendo untu tabalopwele. Ena afumishe icifuba cakwe nokulolesha pamuulu; ena tabalemulopola. Eico keminina wa pakati atile, “Ine kuti nafwaya ukushita ulya umusha.”

Kibili atile, “Lelo ena tewakushitisha.”

⁶⁰ Atile, “Ukuba, kuplesana nshi ukulipo pali ulya umusha?”
Atile, “Bushe ulya umusha emukalamba pali bonse aba abashala?”

Atile, “Iyo, ena mushafye.”

Atile, “Ukuba, limbi iwe ulamulisha ifya pusanako.”

Atile, “Iyo, alila mulya twipikila pamo na bonse abasha bashala.”

⁶¹ Atile, “Ukuba, cinshi icamulenga ukupusanako kuli bonse abasha abashala?”

⁶² Atile, “Ukuba, ici Ninsunguka, pamo, pansiita iitali. Lelo ubushiku bumo Nasambilile, ukutila, kulya kwine ku calo cakumwabo uko ena afuma, wishi wakwe e mfumu ya mukowa onse. Kibili nangula ena abe umweni, kibili ukutali ukufuma ku ng’anda, cibe ena alishiba ukutila mwana wa mfumu, kibili ena—ena alaisunga ngo mwana wa mfumu.”

⁶³ Natontonkenye ukutila, “Lelo, ukutila, nga cakutila Uwafita aisa ukufuma ku Africa, kibili naishiba ukutila wishi wakwe wamu mutundu kibili imfumu pa mutundu, cinshi ico cifwile ukucita ku mwina Kristu uyo uwafyalwa cipyap cipyap, umwaume nangu umwanakashi, ukutila Taata wesu ni Mfumu iya mu Muulu mu Bukata!” Ifwe tufwile ukuisunga fwebene palwesi nga abena Kristu abaume na banakashi. Ifwe tufwile ukucita kwati ni cena, ukufwala kwati ni cena, ukulanda kwati ni cena, ukwikala kwati ni cena. Nangula twingaba abeni, cibe ifwe tuli bana ba Mfumu. Ameni.

⁶⁴ Imibele yesu, ifwe ukukana kwata imibele iisuma mu nshiku isho tuleikalilamo nomba! Israeli aponene muli kulya kumo kwine ukonaika kibili na ena akwete imibele yabipa. Bena balabile amafunde yakwa Lesa ayatila, “Wilacita bucende, kibili wilakumbwa umukashi wa mwina mupalamano obe,” nefyaba ngefyo. Bena balabile yalya amafunde. Bena—bena—bena tabalefwaya yena nakabili. Kibili bena—bena balefwaya uku—ukuba kwati nibambi abashala aba mwi sonde, pamofye ngefyo i chalichi cili ileelo.

⁶⁵ Inshita imo, Israeli, lintu batampile, balefwaya ukukwata imfumu pali bena. Samuele abebele, kasesema uyo uwatuminwe kuli bena, atile, “Nomba bushe Nalitala myeba icintu icili conse mwi Shina ilyakwa Shikulu kano ico icisa mukufikilishiwa?”

Batile, “Iyo, tawatala.”

⁶⁶ “Bushe Nalitala milomba pa cakulya candi no lupiya, pa lupiya lwenu, pamo, ulwakuti ine ningalaikalilamo?”

⁶⁷ “Iyo, iwe tawacita ico. Tawatala autwebapo icintu nangu cimo, Samuele, lelo kanofye ico icintu icisa mukufikilishiwa. Kabili iwe tawatala autwipusha pa lupiya lwesu, mukwikalilamo kobe. Lelo, cibe, tulefwaya imfumu, nangu cibe ifyo.”

⁶⁸ Lesa atile kuli Samuele, “Leka bakwate ena. Bena tabasulile iwe; basulile Ine.”

⁶⁹ Israeli ali mumibele imoine nomba. Tabalefwaya bakasesema bakwa Lesa nakabili. Tabale bakabila. Kabili nga cakutila umo kuti aisa, nokubaletela i Cebo, kabili nokwesha ukubabwesesa pa Cebo, bena kuti bakana Cena. Bena lyonse balacita ico, muli uyo umusango wakonaika.

⁷⁰ Lintu isonde nechalichi fya ampana capamo, eco nomba bena tabafwaya nangu cimo ica bumupashi. Tabafwaya EFYA SOSA SHIKULU. Bafwayafye ifyo bena bafwaya. Bafwaya isonde, kabili nokulandafye ukutila bena bena Kristu; kabili nokwikala mwi sonde, kabili nokwikala ne sonde, kabili ukwikala kwati li sonde, kabili ukutwalililapo ukwikatilila ukulanda kwabo ukwakuba abena Kristu. Namwishiwa, icintu ica ico cili cakutila, cena kulaba kwa kumupashi. Ico bwino bwino fye efyo ico cili. Tabaishiba ifyo bena baba. Bena balilaba kuli cilya ico bena bafwile ukucita.

⁷¹ Ngacakutila umo aishile ileelo, ngefyo, cena kuti cakanwafye mu musango umo wine. Bena bakwete umulandu wabipa uwa pali ico, kabili eico efyo baba na leelo. Bena bafililwe ukuishiba abene palwabo pamo ne fintu fya maka yacilamo, nakabili, pantu tabalefwaya cena. I Cebo, i Mbila nsuma, bena Tabaleifwaya. Ubulwele bwa lubembu bwali balungulwishe, kabili balitemenwe ico.

⁷² Ulubembu lusuma ku mutima ushapilibulwa. Lwena lumoneka ulusuma ku mano ayashapilibulwa, lelo lwena ni nshila ya mfwa. Takwaba nangu cimo icashalako kanofye imfwa. “Icilambu ca bupulumushi ni mfwa,” kabili uwfile ukulobolola yena amalipilo. Iwe wabyala ku fipupu, kabili nomba ulelobolola kankungwe.

⁷³ Ifishibili fya bumupashi kabili nokushimikila kwa nkcombe yalashikwa ukufuma kuli Lesa, takwatalile akabemya nakabili. Abanakashi balebasekafye palya pene beminine, nokutila, “Nshilefwaya ukuya mukumfwa ifintu fya musango ngoyo.”

Ngacakutila cilya tacabwekelapo nakabili! Cinshi ico? Kulaba kwaku mupashi, bwino bwino ifyo efyo caba. Balilaba ukutila Lesa ne Cebo Cakwe baba cimo cine, kabili tekuti Acinje Ico.

⁷⁴ Ngacakutila kasesema aishile bapo muli shilya nshiku kabilo apela ne eishibili ca bumupashi, ishiwi lyabumupashi, no kupela ishiwi lyakwa Lesa kunuma ya cena, bena kuti baseka fye pali Cena no nokupumya Cena.

⁷⁵ Mwalishiba ukulanda kwa kale, “Ifipumbu kuti fyaenda nensapoto shamisomali mulya umo ba Malaika batina ukunyanta.” Ifyo efyo ukulaba kwaku mupashi kucita. Kwena kulenga abantu bafika pancende apo apakutila bena bakana ukukwata imyumfwile mukati kabo. Tabafwaya nangu cimo ica bumupashi.

⁷⁶ Sendeni ukulongana ukwa bumupashi ukwine kwine, uko Mupashi wa Mushilo aleundapa abalwele kabilo alelingulula amatontonkanyo ayo ayali mu mutima, kabilo nokuyabika mukati pakati kama chalichi yonse, ukubafye nomusonkano uukalamba pano muli ino stadiumu, kabilo mwamona ico icingacitika. Mu maminiti ayanono, cila muntu kuti aimo no kufuma panse. Bena tekuti bakwate nangu cimo icakucita neco. Bena tekuti bafwaye nangu cimo icakucita naco. Bena kuti bafwaye ukukutika kukulanda kumo ukwa basambilila.

⁷⁷ Lelo lintu caisa ku Maka yakwa Yesu Kristu, no kubuka Kwakwe, kabilo na Mupashi wa Mushilo, bena tabafwaya nangu cimo icakucita pamo Naco, pantu cena cilabasusha. Cena cibabika pa mulilo pamo ne cintu bafwaya ukwishiha. Takuli iyo ukukalipilwa, ifyo fine, cisuma pa nshita. Lelo, cena, ngacakutila wanakila kuli cena, cena—cena cileta ifisabo fya kulapila. Eico tulesanga ukutila, lintu uku ukulaba kwa mupashi kwaikatilila pa bantu, nomba bena baba—baba mu mibele yabipa. Nomba tulesanga cimo cine nomba. Nomba Ndefwaya uku . . .

⁷⁸ Imwe mufwile ukwishihibika. Ku ncende kumo, imwe mufwile mwailangisha. Umweo wenu ulelangisha, muno nshita yabushiku, apo imwe mwaishibikilwa. Iwe uba uwaishibikwa limbi muli Kristu nangu kunse yakwa Kristu. Iwe tawaba pakati. Takwaba umuntu ukukolwa kabilo takolelwe. Takwaba icuni cafita icabuuta. Iwe kuti waba limbi uwapusuka nangu uushapusuka. Kuti iwe waba uwashila nangu umubembu, cimo nangu icibiye, kabilo imicitile yobe iya bumupashi ukulola ku Cebo cakwa Lesa cilangisha iwe bwino bwino apo wiminine. Nacilungama!

⁷⁹ I Cebo cakwa Lesa, icashininkishiwa, cashininkishiwe ukutila ulubatisho lwa Mupashi wa Mushilo caba fye cimo cine nga fintu catalileba pa Bushiku bwa Pentecosti nangu inshita iili yonse imbi. Kabilo Yesu Kristu aba cimo cine mailo, ileelo, no muyayaya. Kabilo imicitile yenu ukulola kuli Ico cilangisha

nga cakutila imwe namukwata ukulaba kwaku mupashi, nangu iyo. Ico nacilungama. Te mulandu nga cakutila iwe uli dikoni, nangu fye ngacakutila iwe uuli kashimikila, cena tacipanga... Ee, balacumfwa, nabo. Eico tulesanga ukutila, cena cilambukila kabilii ciya pa cintu conse. Nomba tulemona.

⁸⁰ Nomba, ukuba umwina America. Ukuba umwina America, Ine mfwile naishibikwa ne calo candi. Nomba kutikeni mukuposako amano. Ukuba umwina America, lintu Ine nafyalwa muli cino icalo, Ndaba umwikashi, kabilii Ndeshibikwa pamo neci icalo. Fyonse ifyo caba, Naliba. Fyonse ifyo cena caba, Naliba. Pantu Nalishibikwa ngo mwina America, nomba Mfwile nasenda umusebanya waciko onse, ubukata waciko onse. Conse ico cena caba, Naba, pantu Nalishibikwa pamo na cena. Ameni. Ndefwaya imwe mucumfwe ico. Ine nalishibikwa ngo mwikashi wamu America, nomba conse cena caba, Naba. Conse ico cena caba, Naba. Ine mfwile naba ulubali lwa cena. Nalikwata... nga cakutila Ine ndi umwina America, Ndi lubali lwa America. Kibili na conse ico cena caba, Naba.

⁸¹ Nshifwile ukulaba ici. Nga cakutila Ndefwaya ukuba umwina America wa cine, Mfwile naibukisha ukutila Naba ico icalo candi caba, pantu Ine naishibikwa pamo ne calo candi. Ukulaba ena, nangu—nangu...Ukumulwilako ena, nangu ukufwila ena, nangu ukwimininako pali fyonse ifyo ena aimininapo, Mfwile naiminina pali ico. Ifyo icalo candi caba, Naba. Ico caimininapo, Naiminina pali ico. Ukuba umwina America uwa nakila, kuti Naba uwaipekanya ukufwila cena, ukulwila cena, ukwimininako cena, ukucita icili conse icabamo. Ndi lubali lwa cena. Teti mwise kuli cena ukwabula ukwisa kuli ine. Lintu iwe walanda icintu cimo icalubana ukulola kuli cena, iwe ulanda ico icalubana ukulola kuli ine, pantu Ndi mwina America. Ukulanda icabipa ukulola kuli iwe, ngo mwina America, kabilii nafilya balanda ifyabipa ukulola kuli ici calo, balandila ububi iwe, pantu iwe waliba ulubali ulwaciko. Taufwile iwe ukutala aulaba ico; lintu wacita ico, ninshi naukwata ukulaba, ukukalamba icine cine.

⁸² Kibili, ibukisheni, imwe tamuli nakabili abekashi bamu America lintu imwe mwafilwa ukuba ulubali lwaciko. Imwe mufwile ukuba ifyo America yaba, imwe mufwile ukuba pamo. Mfwile naba uwakumako kuli ena. Ici calo candi, Mfwile nakumako kuli ena. Ifyo ena aba, Naba. Mwamona, ifyo ena aba, Naba. Temulandu nefyo ena aba, Ine ncilifye ifyo ena aba.

⁸³ Ukuba umwina America, Nafikile pa Plymouth Rock, pamo naena, pamo nefikolwe. Nali nokucita ico; Naba ulubali lwakwe. Naendele pamo na Paul Revere, ukumusoka pafyabipa fyakwe. Nga cakutila Ine ndi mwikashi wamu America umwine mwine, Nafikile pa Plymouth Rock. Naendele pamo na Paulo Revere, ukumusoka palwa bubi bwakwe. Bushe namwishiba ico Ndepilibula nomba?

⁸⁴ Naabwike Delaware wa menshi makasa, pamo na George Washington, pamo nababulwi bakwe ababula insapato. Nali kulya, pantu Naishibikwa pamo neci icalo. Ico ena acitile kulya cali lubali lwandi, ico Ine ncita nomba lubali lwakwe. Ine naishibikwe pamo na Washington, pa Delaware.

⁸⁵ Naiminine pamo na Stonewall jackson, ilyo ifintu ifyaibela fyali ifikalamba nganshi ukumulwisha, kibili baipwishe, "Kuti iwe waiminina shani kwati cibubumba camabwe, ilyo ifyaibela filekulwisha?" Umuntu umunono uwansonu uwa meno ya makumbi makumbi apantile ulu ulukungu pamo naba butushi bakwe, atile, "Ine nshinwa amenshi mpaka Natotela Lesa uwa Maka yonse pali yena." Mfwile naiminine kwati nga icibumba camabwe pamo naena. Naiminine palya pamo na Stonewall Jackson. Ukuba umwina America, Nalishibikwa pamo naena nokwiminina kwakwe. Ukwabuka Delaware! Ukulwa ubulwi!

⁸⁶ Ine naninike imendela. Ine nali pamo na sera lintu baninike imendela pa Guam. Panuma ya makana yaba bulwi ba nkondo abena America bapele imyeo yabo, kibili na lintu lilya ibumba ilinono lyabutukile kulya nokuninika imendela pamuulu, Naishibikwe pali kulya ukuninika kwa mendela; onse pali ifwe ali. Bonse abekashi bamu America baishibikwe pamo nailya imendela iyalepupa pali Guam. Lintu Naumfwile ukutila babikile ilya imendela pamuulu palya, ifilamba fyakonkolokele panshi ya matobo yandi. Ico cali nine. Ico cali niwe. Ico capilibwile ifwe bonse, lintu twaishibikwe kulya pamo na cena.

⁸⁷ Fyonse ifyo ena aba, Naba. Bonse ubukata bwakwe bukata bwandi. Fyonse ifyansoni fyakwe ni nsoni shandi. Nga cakutila ena acitile ifintu fyansoni, nomba Mfwile nalolesha ena mukutwalilila...ukwiminina pamusebanya wakwe. Nga cakutila apokelela ubukata, Mpokelela ubukata pamo naena, pantu Naishibikwa pamo naena. Nomba, ukuba uwaisibikwa, umwina America afwile aiminina pali fyonse ifyansoni fyakwa America, bonse ubukata bwakwa America, ubo ena akwata. Fyonse ifyo ena aba, nangu ifyo ali nokuba, iwe kwishibikwa pamo na fyena.

⁸⁸ Nomba, ukuba umwina Kristu uwacine, ufwile waba cimo cine. Ifwe tatulefwaya ukulaba ico. Fyonse ifyo Ena aba, Ine naishibikwa pamo na Ena. Naishibikwa pamo na Ena.

⁸⁹ Moneni, kibili Ena aba muli ine, kibili na Ine muli Ena. Moneni, nomba, onse umwina Kristu uyo uwaba icine cine umwina Kristu umutuntulu—umwina Kristu, ali pamo na Ena, "Lintu intanda shalucelo shaimbile capamo kibili nabana bakwa Lesa bapundile pali kulya ukusangalala, ilyo umufula we sonde taulabako." Ifwe twaishibikwe mumibele yakukanafwa pamo na Lesa, imyaka amakumi ama millioni ilyo isonde talilapangwa. Nali kulya pamo na Ena. Nga cakutila Nakwata Umweo wa Muyayaya, Nali pamo na Ena. Ine naishibikwe pamo

na Ena, "Lintu intanda sha lucelo shaimbile capamo kibili nabana bakwa Lesa bapundile pakusangalala."

⁹⁰ Nali pamo Nankwe ilyo Aitile Abrahamu pamyaka ya—pamyaka ya kufyalwa amakumi cinelubali na yasano, kibili umukashi wakwe aali amakumi mutanda na yasano, kibili nokumweba ukutila bali nokukwata umwana. Nali nankwe ilyo aiminine pali EFYA SOSA SHIKULU, "Ndi nokukwata umwana." Naiminine pamo nankwe. Umwina Kristu onse umbi aiminine pamo nankwe. Nali nankwe lintu ukweshiwa kwakwe kwafikile. Nali nankwe lintu ena aile pamulu wa lupili, ukuya pela Isaki. Nali nankwe ilyo sukusuku amonekele.

⁹¹ Nali pamo na Yosefe ilyo ena bamukene kuli ba munyina, pantu ena ali uwabumupashi kibili nabonse abashala bali aba buntunse. Nali nankwe ilyo aishibe ukusekwa uko apitilemo kuli bamunyina. Ifyo aali, Naba. Ifyo Naba, ena efyo aali. "Pantu ifwe bonse tuli umo muli Kristu Yesu." Nali na Yosefe mulucengo lwakwe, inshishi. Ine nali nankwe lintu ena aile kukuboko kwa kukulyo ukwakwa Farao. Iwe ufwile waishibikwa pamo nankwe.

⁹² Nali na Yakobo mubushiku bulya ilyo balwile ubushiku bonse na Malaika. Nalwile nankwe, ne mwine. Ninjishiba ifyo apitilemo. Eico Nalwile pamo na Yakobo inshita imo ine acitile ico, pantu Ndi munyina wakwe.

⁹³ Nali na Mose lintu aile mulya mu Egypto. Nali na Mose ku cimpusa icalepya. Nga cakuti uli mwina Kristu, uli nokwishibikwa pamo nabantu bamu Baibele. Wilaba ico! Nali na Mose ilyo abantu bonse ba mukene. Nali na Mose ilyo aabwike Bemba wa Kashika. Ilyo aimishe ukuboko kwakwe nokwenda ukuya pantanshi, kibili Bemba wa Kashika aliswike, Naishibikwe muli Kristu lilya line, kibili Nali na Mose pali ilya ora.

⁹⁴ Fyonse ifingaba abena Kristu, fyonse ifingaba uwacetekela, uwacetekela onse nomba eshibikwa na ulya wine umuntu. Fyonse fintu cingaba, iwe ufwile waishibikwa. Mwilabako ico. Ilyo mwacita ico, namukwata ukulaba kwakumupashi; namulaba untu muli.

⁹⁵ Nomba ukwishibikwa na ena, pamo na Mose, lintu ena aabwike bemba.

⁹⁶ Nali na Eliya munshiku shakwa Ahabu, ilyo bakwete ukusala kwa uobengabombela, Lesa nangu Balaamu. Twali pamo nankwe pa Lupili lwa Karmeles, ilyo apangile ukukusala uku, pantu ifwe batwishibila mu Mubili wakwa Lesa umo wine untu ena aishibikwemo. Eico nga ifwe twalishibikwa muli ulya Mubili, nomba ifwe tufwile ukwibukisha ukutila ifwe twali mulya pamo nankwe. Ico nacilungama.

⁹⁷ Nomba, Nali pamo na Davidi, ilyo bamukene kuli bamunyina bakwe. Nali pamo na Davidi; iwe wali, pamo, nga

iwe uli mwina Kristu. Iwe ufwile waishibikwa mukukanwa kwakwe.

⁹⁸ Nali nabana ba ci Hebere, mwilungu lya mulilo, ilyo u—umulilo wafililwe ukuboca pamulandu wa Kubapo kwa Muntu uwalenga cine.

⁹⁹ Nali na Daniele, mucilindi cankalamo. Naishibikwe mulya, lintu Malaika wakwa Shikulu amulangishe ena mulya.

¹⁰⁰ Nali icine cine na Ena pa Kalbale. Mfwile naishibikwa pamo na Ena pa Kalbale. Ine mfwile naba palya pancende imo, iyakuti, apo Ine nshaishibikwefye pamo na Ena pa Kalbale, lelo Nafwile pamo na Ena pa Kalbale. Umwina Kristu onse alingile ukufwa pamo Nankwe pa Kalbale. Nga imwe tamufwile pamo Nankwe pa Kalbale, imwe tekuti mube nangu umo pa Bakwe. Nali kulya ilyo Ena afwile. Nafwile pamo Nankwe. Kibili nomba Nali pamo Nankwe ilyo Ena abukile ukufuma kubafwa. Naishile ulucelo pe Pasaka pamo Nankwe, mukubuka. Fyonse ifyo Ena acitile, Nali kulya kwine pamo Nankwe; uwacetekela onse aali cimo cine.

¹⁰¹ Kibili nomba Ine ninjikala Nankwe mu Ncende sha mu Myulu muli Kristu Yesu, namaka yonse aya kumbo yalicimfishiwe, ukupitila muli Ena. Onse umwina Kristu uwacetekela aikele munshila imo ine, pantu ufwile ukwishesibikwa.

¹⁰² Nomba Ine naisanga nemwine, muli shino nshiku shakulekelesha, pamo nabengi abena Kristu abacetekela, abaishibikwa mu bupyungishi Bwakwe. “Ena aba cimo cine mailo, ileelo, kibili no muyayaya.” Ine naisanga nemwine, muli buno bushiku, ukwishesibikwa mu bupyungishi Bwakwe. Bushe mwaisanga mwebene muli ilya nshila, ukucetekela ici, ukwenda naco? Moneni, imilimo iyo Acitile, Atile uwacetekela akacita icintu cimo cine. “Imilimo iyo Ncita na imwe mukacita.” Nomba kuti mwaishibikwa Nankwe? Nomba lintu ukusebana kwaisa pa Cebo, bushe kuti washipikisha umusebanya ngafintu Acitile, mwamona, ukwishesibikwa na Ena? Ine nalishibikwe na Ena.

¹⁰³ Nali pamo Nankwe pa Bushiku bwa Pentecosti. Ine nali pamo na basambi palya, abaishibikwe pamo nabo mulubatisho lwa Mupashi wa Mushilo.

¹⁰⁴ Ndesunguka nga cakutila ichalichi tacawkata ukulaba nganshi nomba pakutila tabawkata, bamo muli bena, tabacetekela ukutila kwalibako icintu ica musango ngo Mupashi wa Mushilo. Mwamona apo ichalichi cafika? Mulandu umo uwabipisha ukulaba! Mwamona, balilaba ukutila ulya aali ni Yesu Kristu kunuma kulya. Bena balilaba ifyo Yesu Kristu aali. Bena balilaba. Bena batontonkenye ukutila Ena ali fye ka—kapanga wa mafunde, nangu kasesema, nangu u—umuntu musuma. Bena balilabileko ukutila Ena ali ni Lesa. Balilabile ukutila Aba cimo cine mailo, ileelo, kibili nenshita yonse. Kibili ichalichi calikwata umulandu uukalamba ubwakulaba

kwakumupashi. Bena balilaba fyonse ifi fintu. Bena balileka ukuciluka Cena.

¹⁰⁵ Tufwile ukuba pamo nabasambi pa Pentecosti, abaishibikwa pamo nabo. Naishibikwe pamo ne mbila yakwa Petro pa Bushiku bwa Pentecosti, mu Milimo ya Batumwa chapitala 2. Nalyumfwile ifyo ena alandile. Nalicetekela ifyo alandile. Nalibela ifyo alandile. Nomba Nalishibikwa mucintu cimo cine.

¹⁰⁶ Tamufwile ukukwata ukulaba kwaku mupashi. Pantu, imwe muli, imwe muli nokwishibikwa palwenu mweka ne cintu cimo cimbi. Ikaleni abalungama bwino neci Cebo!

¹⁰⁷ Twali pamo ne Chalichi lintu cena capelwe umulimo kuli Yesu Kristu, mu Milimo ya Batumwa, chapitala 6. “Kabiyeni imwe mwisonde lyonse, nokushimikila i Mbila nsuma ku cibumbwa conse.” Ndefwaya ukwshibikwa palya, “Kwisonde lyonse ku cibumbwa conse.” “Ifi ifishibili fili nokukonka abo abacetekela,” kuti naishibikwa muli ico.

¹⁰⁸ Ukuba, nomba, bushe mwalishibikwa pamo na cena, nangu bushe mwalikwata ukulaba kwaku mupashi, icakutila imwe ngamwasanga ukuti tamwaceteleka ifyo ifishibili fikonkafye abacetekela? Mwamona, ngacakutila tamwaceteleka cena, ninshi mwalikwata ukulaba kwaku mupashi, mwamona, imwe mwalilaba ukutila Lesa alaile ico. Atile, “Ifi ifishibili fili nokukonka bonse abo abacetekela.” Tamufwile ukulaba ico. Tekuti imwe mulabe ico nokuba abena Kristu. Imwe mufwile mwaishibikwa pamo naco.

¹⁰⁹ Imwe mufwile mwaishibikwa pamo nowa Shila Yohane mu chapitala 14, versi 12. “Ena uyo uwacetekela pamo na Ine, imilimo lintu Ncita na ena ali nokucita pamo.” Tamufwile ukulaba ico. Ngacakutila mwalaba, ninshi imwe mwalikwata ukulaba kwaku mupashi. Mwalilaba ifyo mwaba. Mwalilaba ifyo ubunte bwenu bupilibula.

¹¹⁰ Ngapalwa, Atile, “Ngacakutila imwe mwaikala muli Ine, ne Cebo Candi muli imwe, imwe kuti mwaipusha conse ico mulefwaya kibili cili nokucitwa kuli imwe”? Bushe namwshibikwa palya, ukuceteleka ukuti ico e Cine? Marko 11, lintu Atile, “Ngacakutila mwalanda kuli ulu lupili, ‘selá’ kibili tamutwishi mu mitima wesu, lelo mwacetekela ukutila ico mwalanda cili nokufikilishiwa, imwe kuti mwapokelela ico mulandile.” Kuti mwaba abaishibikwa palya, pa kuceteleka ukuti ico e Cine? Ngacaakutila tacicitike, ninshi imwe namukwata ukulaba kwaku mupashi.

¹¹¹ Kibili—kibili imwe mwalaba, mwalufya icakupiminwapo cenu ica bwina Kristu. Imwe kuti mwafilwa ukulanda ibumba mwabamo. Imwe kuti mwatila, “Ndi Methodisti. Ndi Baptisti. Ico eco Naishiba palwa ico. Ndi Pentecosti. Naba *ici, cilya*, nangu *cimbi*.” Cenjela! Ico limbi kuti capilibula ukutila icishibili

cabulwele cilemoneka pali iwe, ukutila iwe naukwata ukulaba kwaku mupashi.

¹¹² Watila, “Ukuba, Munyina Branham, Ine—Ine nacetekela ici, kibili Ine—Ine nshatala...” Nomba lolelako panono. Ngacakutila Lesa alaile ukucita ifi fintu, kibili nokutila fikaba munshiku shakulekelesha, kibili necisumino cobe cakulesha kuli ico, ico cishibilo icisuma Ine ndemona icishibilo ca bulwele pali iwe. Kwena kwaku mupashi. Iwe naulaba ukwishesha we mwine palobe ne Cebo.

¹¹³ Iwe watila, “Ine nshacetekela ukutila abalwele balondapwa.” Iwe walikwata ukulaba kwaku mupashi.

¹¹⁴ Iwe watila, “Ine nshacetekela mu lubatisho lwa Mupashi wa Mushilo.” Uko kulaba kwaku mupashi!

¹¹⁵ Iwe watila, “Ine—Ine nshacetekela ukutila Lesa alaile ukucita ifi fintu mu nshiku shakulekelesha.” Nomba ninshi iwe wakutika kucisumino, nangu ku masambililo yamo, mucifulo ca Baibebe. Iwe walikwata ukulaba kwaku mupashi. Tawaishiba uko uwile ukuba ninshi. Iwe ulanda ukutila uli, “mwina Kristu,” kibili nokukana i Cebo. Cibweseshafye iwe bwino ku numa kukulaba kwaku mupashi nakabili, wamona, tawaishiba apo waiminima. Wakwata ukulaba kwaku mupashi. Walifilwa ukwiisiba we mwine palobe na Malembo.

¹¹⁶ Iwe uwile ukuba pamo na basambi. Ufwile ukuba pamo na Malembo yonse, pamo ne Chalichi lintu cena capelwe umulimo. Lelo, nomba, lintu i Chalichi lintu cena capelwe umulimo, “Kabiyen i imwe mwisonde lyonse nokushimikila i Mbila nsuma; ifi ifishibilo fili nokukonka abo abakacetekela,” ico ecali umulimo wakwe. Nomba bena bacita... Uyo ewali umulimo.

¹¹⁷ Lelo bena bakwata umulandu uwabipa uwa ukukulaba kwaku mupashi, kwati pamofye fintu Efa aile mu... pali ena, ukuya monse mwibala, ubushiku bumo. Nomba abo pamo nga Israeli, ukucula ukufuma kuli ubu bumo bwine ubulwele, ukwa mbukilwa ukufuma ku fyakulya fyaba seminali ifyo kuti fyakupela ukulaba kwaku mupashi. Ngawalya ifyakulya fyaba seminali, iwe uli nokwambukilwa, kibili nomba, icintu cakubalilapo nawishiba, uli noku kwata ukulaba ukwabipa icine cine. Iwe kuti wakama icili conse Baibebe yalandapo.

¹¹⁸ Ubo bwine ebwafya bwaba ne chalichi ileelo. Uyo wine emulandu tatukwatila ukupuputulwa ileelo. Ubo bwine ebwafya bwaba nabantu ileelo. Bena basendwafye nefintu ifyabipa ifili fyonge, ne cintu conse basuminamo icaisapo, mpaka bena bafilewa ukwishesha icalungama necishalungama. Bwino bwino. Tekuti ena ebukishe Shikulu wakwe. Tekuti ebukishe i Cebo Cakwe. Tekuti ena ebukishe ubulayo.

¹¹⁹ Ubo ebwalifye ubwafya pamo na Israeli, lintu Yesu aishile moneka. Bena taibukishe, ukutila, “Nacisungu akemita.”

Bafililwe ukwibukisha ukuti Mose atile, “Shikulu Lesa wenu ali nokwimya Kasesema uwaba nga Ine.” Bena bakwete ukulaba kwaku mupashi.

¹²⁰ Ifyo bwino bwino efyo ichalichi cikwete ileelo. Atile, “Cena cili nokwisa filikishiwa mu nshiku shakulekelesha,” ukutila ifi fintu fili nokucitika, ifyo tulemona filecitika, kibili ne chalichi caikale fye icafwa nga twelufu koloko. Cinshi ico? Kulaba kwaku mupashi. Tulaita palwesu ba Pentecosti, kibili tulafilwa ukwishiba, kibili tulafilwa ukwiishiba palwesu mu Cebo lintu Cena cashimikilwa mumaka yakubuka kwakwa Kristu; kibili Ena ali pano pakati kesu, alebomba ico, kibili alecita bwino bwino ico Alandile ukuti Cena cili nokucita. Nomba, moneni, imibombele yesu iya mufilonganino yatuposa mukulaba kwa mupashi. Tulecula. Ifwe tatwaishiba uko tufwile ukuba. Umo abula amapepala yakwe ayafumya muli *ici* chalichi nokuyatwala *mu* chalichi cimbi, kibili *ici* ichalichi, *nefi* ifyakusuminamo kibili *nafilya* ifyakusuminamo. Mwamona?

¹²¹ Ico tulefwaya, nakabili, ni Amose umbi ukwisa moneka, pamo na EFYA SOSA SHIKULU. Bushe kuti twamupokelela? Kwati fintu bena bacitile. Tabamupokelele ena. Tekuti bamupokelele na leelo. Tekuti engishemo no mutwe mu ncende, napanono, mukushimikila. Nomba, ico nacilungama bwino, pantu ichalichi cilenda noku ukulaba kwaku mupashi.

¹²² Nomba, nicinshi? Lesa alaile muli shino nshiku shakulekelesha, “Lintu u Mwana na muntu ali nokusokololwa,” umwabela Luka chapitala 17, “pa cishibili cilya icalecitika mu Sodomu, cili nokucitika nakabili.” Kibili nabantu bali nokumona cena cacitwa, kibili nabamo pali bena tabacetekela cena. Bena bakatontonkanya cena ukuba ukulanshanya kwa matontonkanyo. Bena bakatontonkanya cena ukuba umupashi wa ciwa. Cinshi ico? Bena kucula nokulaba kwaku mupashi. Ico cili bwino bwino fye. Tekuti bamumfwikishe Shikulu. “Yesu Kristu aba cimo cine mailo, ileelo no muyayaya.” Ifyo Ena ali lilya, efyo Ena ali nomba.

¹²³ Lelo, icacitika, cili icakutilafye twalifilwa ukwiishiba fwebene palwesu nakabili ne Cebo. Mulandu nshi? Cena, tacaishiba ngacakutila cena ni ng’anda yakutubilishamo nangu limbi cena chalichi. Tacifwaya ukwitwa ing’ada yakutubilishamo, kibili cena tekuti citwe ichalichi; pantu, ukwitwa ichalichi, kuti caishibikwa palwa ciko na Kristu. Ico kupela cena ukulaba kwaku mupashi. Kibili cena tacifwaya ukwitwa ing’anda yakutushishamo. Eico cena tacaba ichalichi ca Pentecosti, ichalichi na Methodisti, ichalichi ca Baptisti; ceba caba ni ng’anda yakutushishamo iyaba Pentecosti, ni ng’anda yakutushishamo iyaba Methodisti, kibili ninga’anda yakutushishamo iyaba Baptisti, pantu cena tekuti cishibikwe pamo ne Cebo. Kibili lintu i Cebo casokololwa, bena balakana uku Cicetekela. Cena bulwele, bwakulaba ukwaku mupashi.

Balafilewa ukuishiba abene palwabo; bena tabaishiba uko bafwile ukuba. Ico nacilungama.

¹²⁴ Cena caba bwinobwinofye kwati kusakanya icintu cimo. Nga fintu Nanda imiku iingi, “Lyonse ntontonkanya ukutila icintu cimo icishakwatisha amano Ico namonapo ni mpongolo.” Mwamona, yena yaba iyasakanishiwa. Mwamona, nyina waiko ni kabalwe mukota, wishi waiko ni punda, kabili yena tayaishiba mwibumba yabamo. Kabili icintu cakubalilapo ico mufwile ukwishiwa, imwe kuti mwacita, imwe—imwe—imwe—imwe kuti mwaisakanya ukubula punda, kabili nomba...nangu mwabula impongolo, lelo impongolo tekuti muisakanye palwaiko ukuti ingakwata iine yeka nakabili. Mwamona, yena takuti icite ico. Imwe tekuti muisambilishe nangu cimo. Yena yalikosa umutwe. Imwe tekuti tuyebe nangu cimo....Imwe kuti mwabika bwino yalya natwi ayakalamba ayatali. Kabili yena kuti yalolela mu bushiku bonse ubwalepesha mubwikashi bwaiko, ilyofye yalafwa, kukupanta. Epela. Yena lyonse ilolela pa cintu cimo ica kuposa pali iwe, nga kuti yacita ico.

¹²⁵ Kabili ico cilenzibukisha pa bengi abo abetwa abena Kristu-basakanishiwa. Bena balisakanya ichalichi mpaka bakwata ubulwele bwakulaba uwaku mupashi. Tekuti baletepo nangu cimo nakabili.

¹²⁶ Balandia pamataba yasakanishiwa. Amataba yasakanishiwa tayaba nangu cimo. Cena e cintu cimo icabipisha ico taufwile nokubika mu kanwa kobe, cintu caba icasakanishiwa. Uyo wine emulandu imwe mufwile mwabulila utufilimwa tunono utwaba umwakaba, ne fintu fyasekanishiwa, nokusansako kuli fyena nokupela fyena umuti kabilo nokufisunga bwino. Mulandu nshi? Pantu fyena tekuti fileshe tushishi kuli fyena.

¹²⁷ Lelo ifituntulu, ifyakushiwa bwino, imwe tekuti mubike umuti wakwipaya utushishi kuli fyena. Fyena fyalikwata Amaka mukati kafiko, ukulesha utushishi ukuya kuli fyena. Ifyo efyo ciba pakufumyako utushishi twakukana cetekela ku muntu wa cine-uwaisulamo Umupashi.

¹²⁸ Bula impogolo ikalamba, naiwe wayamukalanda nayena, watila, “Landa utile, mune, Ndefwaya ukucita *ici, nacilya.*”

¹²⁹ Ena kuti aikala palya, “Haw! Haw! Haw!” Nayalya amatwi yakalamba yaleya pamuulu napesamba. Nalimona a—a bengi abena Kristu ababa kwati ngefyo, abetwa ifyo fine.

¹³⁰ Mwatila, “Yesu Kristu cimo cine mailo, ileelo no muyayaya. Ifi ifishibili fili nokukonka abo abacetekela.”

¹³¹ “Huh? Nincetekela inshiku shafisungusho shalipita. Huh? Huh? Huh?” Mwamona, ena teshibe neco acetekelamo. Taishiba nangu cimo. Taishiba uko afuma; taishiba uko aleya. Akwata ukulaba kwakwa kabalwe. Taishiba uko afuma, kabili tekuti aye apatali.

¹³² Lelo Nalitemwa abatuntulu abobakusha bwino. Oh, bena baba abanakilila. Iwe kuti walanda kuli ena. Alishiba uo taata wakwe aba, uo nyina wakwe aba, uo wishikulu wakwe aba. Alikwata umulongo wafipepala ifya cine ifyakulangisha.

¹³³ Kibili Nalimutemwa umwina Kristu wa cine, uyo uwinga bwelelamo mu nshila yonse pa Cebo cakwa Lesa, ukufika pa bushiku bwa Pentecosti, nokwiishiba umwine eka pamo nabashila, apo Amaka ya Mupashi wa Mushilo yaishile pakati kabo. Uyo emwina Kristu wa cine. Alishiba uko ena afuma. Ena taishibikwa pamo naba Methodisti, ba Baptisti, nangu icintu cimo cimbi. Ena aishibikwa mu Cebo cakwa Lesa. Alishiba bwino bwino apo aiminina. Umulopa wabufumu ubwakwa Wishi upitila muli ena; Umulopa wakwa Yesu Kristu. Alishiba ico Wena ucita! Acetekela i Cebo conse. Lesa abomba ukupitila muli ena kibili nokushininkisha cena pamo ne fishibilo filya Alaile ukukonka. Tawkata ukulaba kwaku mupashi. Ena mutuntulu uwakushiwa bwino. Nalicitemwa ico.

¹³⁴ Lelo ichalichi ileelo calikwata umulandu wabipa uwakulaba kwaku mupashi. Tacaishiba uko cena caba. Cena calilaba conse palwa Cena, calilaba fyonse ifyo ifipanga cena ukuba i Chalichi.

¹³⁵ Cinshi icatupanga ukuba abakankala nganshi nga fintu twaba? Cena califika pa ncende yakwa Laodekeya nakabili, uku bwelela muli ilya ncende yabukankala ngafintu Israeli ali. Lintu cena cali icibusu kibili cacetekele Lesa pa fintu fyonse ifyo calecita, ifintu fyonse cena cawkete, cacetekele muli Lesa; nomba Lesa aleba pamo na cena, kibili caleba ica bumupashi, nokuya kuntashi. Lelo lintu caishileba icikankala, apa epali ifyacitike: imisumba imibele yabipa, abaume babo basumishe ico, bakashimila balekeleko kuli fyonse, kibili basushishe ba kasesema. Kibili iyo eyali imibele baingilemo. Cinshi calengele ico, cali kulaba uko amapalo yalefuma.

¹³⁶ Kibili imwe ba MethodistI, na imwe ba Baptisti, na imwe ba Presbyterian! Imwe ba Methodisti kuti mwaibukisha John Wesley. Imwe ba Baptisti! Kibili John Smith alilile pa malyashi ya bantu mpaka umukashi wakwe amutungulula kwi tebulo, amenso yakwe yalifimbile yaisalika, pamulandu wakulila nokupepa inshita yonse iya bushiku. Mulandunshi?

¹³⁷ John Wesley alandile ukutila cimo pa fintu ifikalamba... Ndecetekela cali icintu cimo ica kubalilapo ico bashifwe baku Methodisti batile, "Umusebanya wabana abanakashi abaku chalichi ca Methodisti, abatampile ukuba isonde nganshi, balefwala inindaminwe pa munwe wabo." Nicinshi ico ena engalanda nomba, nokufwala bakaputula?

¹³⁸ Nicinshi cacitike? Ukulaba kwakumupashi. Bwino bwinofye fintu caba, ukulaba uko ufumine. Imwe mwalikwata fyonse ifi fintu pantu ubufwayo bwakwa Lesa ubwapelwa, ubusuma bwalicicitile kuli imwe.

¹³⁹ Bushe muletontonkanya ukutila ici cintu ceni? Cena ni filya fine caba no Mupashi wakwa Yesu Kristu, ukusesema. Mu Kusokolola, chapitala 3, calandile ukutila, “Pantu utila, ‘Ndi uwacuma, Nshilekabila kantu,’ kibili tawaishiba ukutila uli mubusu, impofu, uwa nkumbabulili, umulanda, ubwamba, kibili tawacishiba” Mwamona, tawacishiba! Bushe nicinshi? Ukulaba kwaku Mupashi. Bena tabaishiba ico.

¹⁴⁰ Amachalichi yalikwata i—indalamda nomba. Takwaba ichalichi, tacicitwa, mucalo, icilonganino, lelo iciposwapo amamilloni ukubikapo amamillioni yama dola. Ukuposa ba millioni naba millioni bama dola mukukula ifikulwa nefintu, nokushimikila ukutila Ukwisa kwakwa Shikulu kuli mupepi. “‘Uwafyuma,’ kibili atile, ‘Nshilekabila icintu nangu cimo.’” Bakashimikila abasambilila abo batala kwatapo, balishibisha amasambililo yafisumino ukucila fintu baishibapo. Kibili balikwata ifikulwa ifikalamba nganshi, incende isha salwa bwino bwino mu musumba. Balikwata insambu pacintu conse ico balefwaya ukucita. Kibili nomba nifinshi batampile ukucita? Balikwata ukulaba kwakumupashi nokulaba ukutila ni Lesa ewabacitile ifyo, kwatifye ni Israeli.

¹⁴¹ Kibili Baibele yaliseseeme, Yesu Kristu atumine malaika Wakwe kuli Yohane kibili atile, iyi nkulo yamachalichi iyakulekelesha ikakwata ukulaba kwakumupashi. Bena bali “abapomonwa,” ibukisheni. Bena batontonkanya ukutila babakalamba. Bena batontonkanya ukutila balikwata icintu cimo. Lelo Atile bali “aba nkumbabulili, aba pomonwa, abalande, impofu, ubwamba, kibili tabacishibe.” Kibili takwaba inshila yakubebelamo.

¹⁴² Nomba, ngo mwaume ali mumusebo, nasevana, nangu umwanakashi, ubwamba, mumusebo, impofu, cilya kuti caba icintu icabulanda ukuba muli ulya musango. Lelo lyena nga bena bali mumano yabo ayalungama, balishibe uo bena bali, ukutila bena bantunse, kibili bena balingile ukufwala ifyakufwala; ukuba, imwe mwaya kulya; bena—ben a bantunse, bafwile ukwishesibika nomutundu wabuntunse. kibili kunse kulya, “uwapomonwa, umulanda, impofu, nobwamba.” Kibili iwe uye kuli ena, watila, “Munyina, uli ubwamba.”

¹⁴³ “Nomba, pano! Ndi Dokota *Wakuti-na-wakuti!* Iwe ufwire wasakamanafye umulimo obe. Ndekweba, Ndi wakuli *Wakuti-na-wakuti!* Iwe tawakwata umulimo, iwe kakunkuluka wa mushilo, ukunjeba icintu nangu cimo!” [Tapali amashiwi pali tepu—Kale.]

¹⁴⁴ Bebeni ukutila, “Cilubo kumuntu ukucita ici, kibili nabantu ukucita ifintu ifyo balecita.”

¹⁴⁵ Kibili bali nokumishibisha ukutila kashimikila wabo alikwatisha amano. Mwamona? Cena nicinshi? Cena cili, bena balilabako amafunde yakwa Shikulu Yesu. Nomba lekeni Ese

nokucita ifishibilo nefipapwa ifyo Alandile ukutila Akacita, bena tabafwaya ukucicetekela. Cena bulwele ubwakulaba ubwakumupashi. Mwamona, bena balilaba! Kibili bena bali ubwamba, kibili tabacishiba, tabaciluka.

¹⁴⁶ Bena batontonkanya ukutila, “Pa mulandufye Nabakuchalichi, ico e cikankala.” Oh, munyina, ico tacileplibula icintu kuli Lesa ukucila ukuba Masoni nangu icintu icili conse, akabingwe akali konse. Ukuba kuchalichi, tacipilibula nangu cimo kuli Lesa.

¹⁴⁷ Imwe mulingile ukuba abana baume nabana banakashi bakwa Lesa. Imwe mulingile ukufyalwa kuli Lesa, kibili Lesa e Cebo. Ilyo Naba iciputulwa cabataata, Imba fyonse ifyaba bataata. Ilyo mwaba iciputulwa cakwa Lesa, muba Lesa, mumwisulo. I Cebo Cakwe conse, mucetekela Cena conse.

Ukulaba kwakumupashi!

¹⁴⁸ Inga nga cakutila tawaishiba ishina lyobe fintu lyaba? Kibili nga muli ico, muli nokufuma kulupwa ulusuma, ico Ndesubila efyo caba, nga mwafuma kulupwa ulusuma ulwa bantu, kibili inga nga cakuti mwalaba ishina lyapa lupwa, kibili mwaya, muleikala ubwikashi wamusebanya? Batila, “Bushe ishina lyobe teiwe Jones,” nangu onse untu aali. “Ukuba, Nshaishiba uo Nali.” Mwamona? Cisuma, mwamona, ico cintu icabipisha ukuba, imibeley iyabipisha iyakwingilamo.

¹⁴⁹ Ukuba, apo epo ichalichi cifikile. Cena cifwile ukuba icakwimininako Yesu Kristu. Lelo calilaba ico, pantu caliba, icatungwa muli ico, ifisumino ne filonganino, ifyo bena basumina cilya mucifulo ca Cebo. “Kibili bena bali ubwamba, impofu, abalanda, kibili tabacishiba,” kibili ukwabula inshila iya kubebelamo.

¹⁵⁰ Ine limbi nshakatale isa mu Birmingham nakabili, lelo ino ninshita imo bena bali nokuymfwa yena. Mwamona? Mwamona? Cisuma. Ndifye...Nshili nomulimo pacintu cimbi kanofye ukubyala Ulubuto. Lesa ala Lutungulula ku mushili uko Lufwile ukuya.

¹⁵¹ Balilabile, ee, bena balilabile i Cebo ca bulayo. Bena balilabileko. Israeli ali mumibeleyabulya ilyo Yesu aishile. Cena calilabile. Baloleshe, oh, batile balicetekele ukutila kuli nokwisa Messiya. Lelo ilyo Messiya aishile nokwishibikwa Umwine ukupitila mu Cebo, balikwete intambi ishingi nganshi mpaka balipangile i Cebo cakwa Lesa ukukana kwata amaka.

¹⁵² Kibili Yesu alilaile, lintufye inshita yampela tailafika ukutila, “Ngefyo cali mu Sodomu, efyo cikaba.” Kibili kuti caba icaishibikwa, kibili abantu caliba icantambi mpaka bena bapanga ubulayo bwakwa Lesa ukukana kwata amaka, ku ntambi shabo. Ukulaba kwaaku mupashi! Ukulaba kwakumupashi bwabafye bwino bwino fintu bwaba. Mwamona, bena balilabako ifi fintu.

¹⁵³ “Oh, Naba kuli *ici*. Na—Nalicitia *ici*. Nalishanina mu Mupashi. Nalicitile *ici*.” Ukuba, owe, owe, ico tacakwatapo icakucita na cena, awe nakalya.

¹⁵⁴ Kuti waba shani umwina Kristu kibili ukukana i Cebo? Imwe tekuti mucicite. Lesa e Cebo. Nge Cebo cili muli imwe, imwe ne Cebo mwaba cimo cine. Fyonse ifyaba i Cebo, iwe efyo waba. Ameni. Nga Ndeikala muli ino nkulo, ifyo ici ciputulwa ca Cebo calaiwa kuli ino nkulo, Ningile ukuba ico. Nga cakuti Ine ndi nokuba umwina Kristu, Ine mfwile naishibikwa na fyonse ifyo Baibebe ishimikila nokwimininapo.

¹⁵⁵ Alleluya! Ukunjita kakunkuluka wa mushilo, nangu cibe ifyo, kibili Ndeumfwa bukapepa nganshi ino ine nshita. Ee, mukwai.

¹⁵⁶ Ine mfwile naishibikwa ne fintu fyonse ifyo Baibebe ilanda. Kibili Ila ipela ukulanda, kibili, nga Nshapumwa nokwanomba ukulaba kwakumupashi, Nkaba kibili kuti naishibikwa na Cena. Nga Nakana Ico, ninshi Ninkwata ukulaba kwakumupashi; icintu cimo nacicitika, Nalisumina icisumino nangu isambilisho, nangu chalichi cimo nangu ibumba lya muntu. “Ine tekuti ncicite,” ilyo nomba i Cebo caisa nokuilangisha Icine.

¹⁵⁷ Ulya e mulandu wine Yesu tabamwishibile. “Oh,” batila, “cisuma, uyu muntu wa mushilo, kibili shimapepo wesu uwa mushilo, icesu ica mushilo *ici*.”

¹⁵⁸ Kibili Yesu atile, “Imwe muli bakwa shinwe, ciwa, kibili imilimo yakwe muli nokucita.”

¹⁵⁹ Bushe mwalihiba Kaini atulile nge lambo ilisuma, pamo? Ena ali uwabufumacumi, akulile icipailo, afukama panshi nokushinshimuna, nokupela ilambo, nokupepa kuli Lesa. Kibili nga, Lesa, ifyofinefye fyeka efyo Lesa afwaya, kuli imwe ukuba muchalichi nokukwata icipailo, nokupela ickumi cenu nokuya ku chalichi, nokwikala umweo uusuma; nga filya fye fyeka efyo Ena afwaya, ninshi Aali uushalungama ukwebaula Kaini, pantu ena acitile icintu cimo cine. Ee, mukwai. Cimo cinefye.

¹⁶⁰ Lelo *bukapepa* cipilibula “icakufimbana,” kibili tekuti ufimbane wemwine imilimo yobe iisuma. Kwabafye icintu cimo ico Lesa ali nokusumina, kibili ico Mulopa wakwa Yesu Kristu. Ico e cabapofye icakufimbana. Kunse ya Ico, nga watila, “Sungeni icisumino,” kulaba kwakumupashi! Ico e cacitike.

¹⁶¹ Nomba moneni, bena balilabako ku Cebo cabo. Bena balilabako kuli Baibebe. Bena balilabako kubulayo. Baleesha ukwikala mu kubengeshima kwa ifyo ba Methodisti bali, ifyo ba Baptisti bali, ifyo umuntu umbi ali. Ubu apa ubulayo bwa bushiku, kibili Lesa alelanda Cena ukupitila mu Cebo Cakwe, nokushininkisha nakabili nokushininkisha ukutila Cena efyo cili, kibili bena taba Cicetekela. Ukulaba kwakumupashi!

Ico nacilungama bwino bwino. Ubwapwililika ubulwele bwakulaba, bena taba Cicetekela nangu panono.

¹⁶² Umushilika wa ci French. Balinjebelopo ilyashi ilinono; ilyo tatulaisala. Nshacishiba ukutila inshita naipwa ukufika uko, kabilo Ninkwata amabula ikumi apali iyafilembelwe apa ayashaele; nkabfibula inshita imbi. Moneni, umushilika waci French. Balikwete ibumba lyaba shilika abafumine mumulola, kabilo balikwete ubu ubulwele bwakulaba. Bwafumine kucabapumine kuamano, kunkondo. Kabilo balikwete ubutantiko, kabilo bena—bena balibetile no kuleka abantu abo abalufishe abatemwikwa ukwisa nokumona nga cakuti kuti baishiba aba abalumendo. Takwali isubilo kuli bena, nalimo umo nangu babili, ukufuma muli bena, ebobaishbe. Kabilo nomba babasendele bonse abashala, bali nokubabika mucipatala camashilu, uko balingile ukwikala inshiku shonse isha myeo yabo.

¹⁶³ Baleninika kumbali yaculu, ishitima lileninika; kabilo baiminine pa citesheni, ukuti abalumendo baye nokololako amolu yabo. Kabilo ba malonda baile pa culu, mukubalonda, pamulandu wabulwele bwakulaba, mulandu nshi, bena—bena bali nokubalonda.

¹⁶⁴ Eico baletamba umulumendo uwacaice kulya, aikile kabilo atampile ukutamba itanki lyamenshi, aliloleshe ukushinguluka iculu. Afikine pamenso, kabilo atampile ukubebeta. Kabilo aloleshe nakabili, kabilo amwene lilya itanki lya menshi. Ena aloleshe ukushinguluka pa citesheni, kabilo atampile ukwenda. Mucifulo cakwa malonda ukumulesha, ena amukonkele.

¹⁶⁵ Aile pamulu waculu, mukashila akanono, apilibukile kukuso kabilo ailenina pakaculu nakambi, kabilo aishilefika pakayanda akakulilwe nembao. Aloleshe. Kwafumine palukungu lwang'nda, bashikulu bantu nenkonto muminwe, bafumine nokumukumbata ena. Batile, "Mwana wandi Nalishibe ukui ukabwela. Banjebele ukutila walifwa, lelo Nalishibe ukutila uli nokubwela." Kabilo umulumendo aishile bwekela mumano ayo akwete kale. Ukulaba kwafuminepo. Alishibe untu aali. Alishibe ukutila abo ebali bawishi.

¹⁶⁶ Oh, umushilika wapa Lupanda, uyo uwatenshiwa nganshi nokusambilisha ukwingi, ifyakutensa ifingi ifyamu filonganino nefisumino, kabilo nefintu fyamwisonde, mulandu nshi teti teti upasuke pamaminiti ayanono nokuya mukulolesha muli Baibebe? Kuti waendauka, kabilo kuti waisanga nawishibikwa namuno mu Cebo, pamo ngo wacetekela, bumo pali ishi nshiku. Nalimo tekuti mu Mwishibe. Nalimo kuti mwaibweshamo mwebene, nga umwana uwalubile acitile, nokuisanga mwebene. Imwe limbi kuti mwasanga icakwishibikilwako cenu mu Fyebo fyakwa Lesa.

¹⁶⁷ Umo muntu atile, ubushiku bumbi, tekale sana, atile, "Lelo, Munyina Branham, lolesha kuli ifwe fwe bantu ba Pentecosti, wemachalichi ubusuma ayo twakwata we. Mulandu nshi, ifwe, twalikwata bakapyunga abakanshiwa."

¹⁶⁸ Umfweni, ilyo umwaume aupa umukashi wakwe, ena tacetekela mukuyemba kwakwe. Iyo. Ena asubila mu cacumfwila ica mulapo wakwe, ishiwi lyakwe. Ena tacetekela mukuyemba kwakwe. Ena asubila mukunakila kwakwe.

¹⁶⁹ Kibili ulya e musango wine imwe mwaupilwamo kuli Lesa, imwe tamusubila muchalichi cimo icisuma ico mwingakula, lelo mubulayo ubo Yesu Kristu apele, ukutila, "Naba cimo cine mailo, ileelo, nomuyayaya." Bushe mulecetekela ico?

Natukontamike imitwe yesu pakashitafye akanono.

¹⁷⁰ Ndesunguka, muno bushiku, mucikulwa muno umo abantu bekele, uko kuli abaume nabanakasho abo abali aba Muyayaya, abantu abaleyka ku Muyayaya, kibili namwishiba ukutila ubushiku bumo nangu bumbi mulingile ukukumanya Lesa. Kibili Ndesunguka nga cakutila mwacikwata kamwela ako akakulaba, kibili muli noku... Mwaishibikilwa mucintu icabipa, kibili imwe—imwe nalimo mwaendauka nangu cibe ifyo, muno nshita yabushiku, kibili mwwasanga ukutila tamwaishibikwa na Kristu Yesu? Bushe kuti mwaimya ukuboko kwenu, nokutila, "Mpepelako, Munyina Branham, Nde—Ndefwaya ukwishesibikwa ngo mwina Kristu umwine mwine, uwacetekela uwaccine." Lesa amupale. Lesa amupale. Amupale! Oh, ee, ukushinguluka. Shikulu Lesa amupale.

¹⁷¹ Umuntu umo pamuulu apo apakwikala pamuulu, atile, "Munyina, Ine cine cine Nincetekela ukuti ico e Cine. Ndecetekela, nga abena Kristu, tatuli bena Kristu ngefyo bali imyaka yapitapo."

¹⁷² Nga imwe mwe bantu ba Pentecosti, ilyo banyinenwe nabawishinwe baleiminina mumusebo kulya, nokulisha icisekese. Kibili ba nyinenwe, ifyo bali noku... bena balingile ukuba abafunshika, nokulewishanya naimwe mwebana abanono. Inshita shimo tamwakwete ifyakufwala, nefintu fyons ifyashala, lelo batata nabamayo bali abacishinka ku Cobaisako, ku kwikitilila Kristu.

¹⁷³ Lolesheni pafyo imwe mwe bantu ba Pentecosti mwacitile. Imyaka amakumi yasano iyapitapo, mwafumine mukabungwe. Ico e cilenga imwe ukuba ba Pentecosti, imwe mwaipatwile mwebene ukufuma ku ushacetekela. "Kibili nga kapolu ukubwelela mumatipa yaiko, kibili nembwa kumalushi yaiko," walibwekela kunuma nokucita cimo cine, ukupanga ubusafya bumo bwine wafuminemo. Bushe cinshi cilubene? Ukulaba kwakumupashi kwalipumine abantu. Namukwata ifisumino fyenu na mapepala yenu aya cilonganino nomba, kibili mulifye pamo nabonse abashala, mulefwaya ukuba pamo nabonse

abashala. Imwe mwalisuminisha abanakashi benu ukubeya imishishi yabo, ukupenta kalaso. Imwe, imwe mulebasuminisha ukucita fyonse ifi fintu, ukusuminisha fyonse ifi mumamumachalichi. Bushe cinshi ico? Ukulaba kwakumupashi.

¹⁷⁴ Kanshi, icintu cakubalilapo namwishiba, ilyo Lesa atendeka ukutandala pakati ka bantu, lyena nicinshi icicitika? Tekuti mucipokelele. Mwamona, mwaliba abalwala noku ukulaba, mwamona, ecintu mwaumfwapofye. Bushe tamuletontonkanya ukuti mufwile mwafumapo pafisumino pali ba miniti abanonofye nokutola Bibele, nokumona ifyo umwina Kristu alingile ukumwishibilako? “Ifi fishibili fikakonka abo abacetekela!”

¹⁷⁵ Imilimo ya Batumwa, Petro atile, “Lapileni, cila umo muli imwe, no kubatishiwa mwi Shina lyakwa Yesu Kristu kukwelelwa kwa membu shenu, kabilii mukapokelela icabupe Mupashi wa Mushilo; pantu ubulayo buli kuli imwe, nakubana benu, nabonse abakutali, nabonse abo Shikulu Lesa wesi aketa.” Nga cakuti bamyeba ukutila Ico tefyo cilingile ukuba, ninshi bakakumba benu balikwata ukulaba ukwakumupashi. Ena teti aisange umwine eka ukwishibikwa na cilya Chalichi; te kabungwe; i Chalichi, u Mubili uushifwa uwakwa Kristu.

¹⁷⁶ Nomba Mupashi wa Mushilo ali pano. Ena ali pano ukucita filya fine ifyo Ena alaile ukucita. Nomba ilyo mucili pano nemitwe yenu iyakontamikwa, twalililenipofye ukupepa. Lekeni Mupashi wa Mushilo alande, Umwine. Kabilii mumone nga cakutila ici... Uuli onse alishiba ukutila, ubulayo, ifyo bwena bwaba ubwa buno bushiku. Nomba imwe mwe balekabila, muno bushiku, imwe, mwe bengi mwacimya amaboko yenu. Ilyo tamulati mucite ico...

¹⁷⁷ Ndetontonkanya, ilyo tucili muno kabilii mucine cine twalapepele abalwele, Ndetontonkanya nga kuti mwatalukako kuli kulya ukukanacetekela, ico cilonganino, ifisumino ifimyeba ukutila ifi fintu tefyo fyaba, ukutila umo kuti amyeba ukutila Cena cakwa ciwa. Ilyo bacita ico, “Tabakatale bebelwo luse, muli ili sonde nangu isonde ilileisa.” Nga cakutila Ici Cishinka? Tontonkanyeni fye, nga cakutila Cena efyo cili, lyena nipesa muli? Mwamona, imwe tamulingile ukucilanda; cetekelenifye cena mu mutima wenu. Kabilii kuliko abantu muno abo abacetekela ico. Ninjikala pano pene, pa nshita sha bushiku shibili ishafumako, ukulabomba mwisamba lya cinto cimo, nombafye, owe, naikatilila nokusuma ululimi lwandi ukuti nicilanda.

¹⁷⁸ Kabilii ibukisha, cibusa, cili pakati ka iwe na Lesa. Nga cakutila cilubo, kabilii iwe uletontonkanya ico? Namwishiba icicitika, tamwakatale bebelwo luse pali cena. Ubulwele bwakulaba ubwa kumupashi, muli nokuyafye mukati ka

mfwा yenu iya Muyayaya, ukukanacetekela. “Uyo ushicetekela naonaulwa kale!”

¹⁷⁹ Nomba pepeleniko amalwele yenu, tileni, “Shikulu Yesu, Imwe mwalilaya. Ine . . .”

Nalimo kuti mwaba abeni muno, abashatala isapo pano.

¹⁸⁰ Yesu alilaile ukutila, “Nge fintu cali,” Nalasenda Illembō limo, “mu nshiku shakwa Loti,” ilyo Lesa amonekele mu mubili wa buntunse; kibili na bantu, Abrahamu, ibumba ilyasalwa, ibumba ilyaitwa. Kibili ishina lyakwa Abramu lyapilibwilwe kuli Abrahamu, nomba amwene i Cebo ukupangwa mumubili, kibili Cena calelingulula amatontonkanyo ayali mu mutima wakwa Sarah.

¹⁸¹ Kibili lintu u Lubuto lwa Bufumu ulwakwa Abrahamu Iwaishile, ifyo efyo Acitile, kibili ba Mwitile “iciwa.”

¹⁸² Atile, “Nomba ilyo Mupashi wa Mushilo akesa, akacita icintu cimo cine.” Atile, “Nomba kuli ukubelelwo luse ilyo mwa Njita ico, lelo, ilyo mwalanda ukususha Mupashi wa Mushilo, takwaba ukubelelwo luse.”

¹⁸³ Nomba lekeni Ena, mu Maka Yakwe, ese ukupitila muli ili bumba lya bantu, konse kuntu muli, kibili nokulingulula Kwakwe ukwa bumupashi ukulangisha ukutila Ena e Cebo. Icakuti nga kuli umo pano uulwele ukulaba kwakumupashi kibili tabakabe . . . tabakakwate umwakushingamamo, ilyo ubu bwite bwapa cipailo tabulapangwa.

¹⁸⁴ Lekeni Shikulu Lesa atwafwilishe. Nomba ne mitwe yenu iyakontamikwa, ilyo tulepepa nomucinshi.

¹⁸⁵ Mwamona, kuliko namayo uwikele kuno kuntanshi yandi. Ena naimya amaboko yakwe nayapesha pacinso cakwe. Ena alecula nobwafya bwamongololo. Kibili nao nakwata umwenso nokusakamana. Ena nakwata ubwafya bwa mumala. Kibili ena naikala kuno kuntanshi yandi nomba. Kibili ena limbi kuti aishiba, ena tafuma muli cino calo. Ena afuma ku musumba uwitwa Macon. Ee. Bushe ulecetekela ukutila Lesa kuti anjeba ishina lyobe? Iwe niwe Missi Ayers. Nga cakuti ico nacilungama, imya ukuboko kobe. Ndi mwensi kuli iwe. Ico cishinka, bushe tefyo cili? Nomba ubwafya bobo nabupwa. Yesu Kristu; iwe naukumuya umwingila Wakwe. Ena nakulenga ukupola. Nomba cetekelafye cena.

¹⁸⁶ Kuliko umuntu uwikele kunuma ya cikulwa. Alefwaya ulubatisho lwa Mupashi wa Mushilo. Alefwaya ulubatisho no Mupashi. Naiminina pano kuntanshi yandi. Tafumine kuno, naowine. Afumine ku Carolina, ku Charlotte. Lepoe eshina lyakwe. Cetekela nomutima obe onse, kibili Lesa ali nokukwisusha na Mupashi wa Mushilo, munyina—munyinane, nga cakuti iwe wacetekela ico.

¹⁸⁷ Kuno, kulya ku kukuboko kwakulyo kwandi, pali umwaume nomukashi wakwe abekele apo pene pa ntanshi yandi kuno. Abaupana abakote, kukuboko kwa kulyo kwandi. Na mayo alecula nobwafya bwabula bukalamba. Umulume wakwe nakwata ubwafya bwamutima. Bena tabafumine kuno. Bena bafumine ku Tennessee. Mista na Misisi Thomas, nga cakuti mwacetekela nemitima yenu yonse, imyeni amaboko yenu kabili kuti mwapokelela ukundapa kwenu. Yesu Kristu alamiposha. Ifyo bwino bwinofye efyo Ena alaile ukucita. Lelo Nshatala bamonapo aba bantu mumweo wandi.

Ukulaba kwakumupashi!

¹⁸⁸ Yesu atile, “Imilimo iyo Ncita na imwe mukacita. Pakashita akanono, kabili isonde talyaka Mone nakabili; lelo imwe muka Mona, pantu Ine,” ukulumbula kwa umo, “nkaba na imwe, kabili muli imwe, mpaka kumpela yacalo.” “Yesu Kristu cimo cine mailo, ileelo, no muyayaya.”

¹⁸⁹ Nomba, kubaume nabanakashi abali muno, abo abakwetefye icintu cimo icilubene na imwe, ukutila imwe tekuti mumonefye ifyo... Imwe, mulefwaya ukucetekela, lelo imwe tamuleingila muli cena, kabili kuti mwafwaya ukuti tumipepeleko, mulefwaya ukusumina muli Ena ilyo muli mu Kubapo Wakwe, bushe kuti mwaisa iminina pano pene ndi, lekeni miipepeleko nokubika amaboko pali imwe. Nga kuti mwaisa apa nombaline, imwe mwebalecushiwa muli uyo musango, nokulaba kwaku mupashi, kabili kuti mwafwaya ukumipepelako, ukutila imwe mukakulwe ukufuma kuli ico. Nga tau li u-tauli uwacetekela, lelo ulefwaya tukupepeleko, isa pano nokwiminina. Lesa akupale, we mwaume wacaice. Umuntu umbi ese? Lesa akupale, namayo. Isa. Lesa akupale, namayo wacaice. Umuntu umbi ese? Isa, iminina pano pene, nomba line.

¹⁹⁰ Ukulaba kwakumupashi, Nshilefwaya ukulwalako ico. Lesa acikanye. Lekeni ine—lekeni ine mfwe imfwa iya i—iya cintu icili conse, lelo mwileka ine mfwe ilya imfwa nga uushacetekela.

¹⁹¹ Iseni, mu Musumine nomba. Bushe tamwacite ico? Fumeni, kabili fumeni pa muulu, mwefibus. Cena ma stepu yanono ukwisa pano, kabili cena limbi kuti capilibula ubupusano pakati ka mfwa no Mweo, kuli imwe.

¹⁹² Lolesheni, Ine tekuti nenge Kristu ukucita nangu cimo. Kristu talingile ukucita icintu icili conse kanofye icintu cimo: Ena alingile ukusunga i Cebo Cakwe. Ena alingile ukucita ico pakutila engaba Kristu, ukuba Lesa. Ena alingile ukusunga i Cebo Cakwe.

¹⁹³ Nomba ibukisheni, nga tamuli abashininkisha pa kwishiba kwenu, mulandu nshi tamwaikilile nomba. Nga cakuti waba mu cilonganino, nga cakuti iwe uuli mwishikulu waba Pentecost, Lesa takwata abeshikulu nangu bambo. Ena alikwata abana

baume nabana banakashi, lelo takwata abeshikulu abaume nabanakashi. Mwamona? Lesa takwata ico. Ena akwatafyé abana baume nabana banakashi, kibili namwishi ba ukutila imwe tamwaba ico.

¹⁹⁴ Nalimo mwalilanda mundimi, limbi kuti washana, limbi kuti wacita fyonsé *ifi*. Ico cilifye bwino. Nshikwete nangu cimo ukususha cena. Lelo nga cakuti mucili namukwata ukulaba kwaku Mupashi, ikiléni panshi, kibili iseni pano nokwiminina. Natupepele palwa ico. Cinshi ico mwalalandá? Membala wamu chalichi, uwa—uwakufushafye impendwa membala wamu chalichi, mulandu nshi ushingeshila pano kibili tucifumyepo ici pali kanokene kashita?

¹⁹⁵ Nshilefwaya ukufuma kuno ku Birmingham, nokwishi ba ukutila ubushiku bumo, ilyo Ubupingushi bwafika, kibili Ningile ukwiminina lilya kuntanshi yenu... Ibukisheni, Ndi nokumikumanya nakabili. Nga cakutila Nshakatale mikumanya pano pali ici, nangu Ndi nokumikumanya pa Bupingushi kibili Ningile ukwasuka pafyo Nacilanda muno bushiku.

¹⁹⁶ Nomba umfweni. Lapiléni, mwe bacibusa! Lapiléni, fumeni muli cena. Fumenimo mulya. Iseni nomba.

¹⁹⁷ Ico cilingile ukulenga onse umwanakashi uwa beya imishishi muli cino calo, nangu muli ino ncende, ukwisa kuno nomba. Ico cili bwino bwino icalungama. Ukutila, ukutila imwe tamukwete inkumbu ishalinga ukulanda mucine, “Nde—Nde—Nde—Ndefwaya, Ndefwaya ndeke imishishi yandi ikule, Munyina Branham.” Cena cilingile... “Ninkwata... Ukuba, Nshikwete ukusenamina ukwakucita ici.”

Mulandu nshi, mwatila, “Bushe ico nacikwata icintu cimo icakucita nacena?”

¹⁹⁸ Kuno tekale sana, kapyunga umwine mwine alishile kuli ine, kibili atile, “Ndefwaya ukubika indupi pali iwe, Munyina Branham.” Atile, “Cila mutu akumona nga kasesema.”

Natile, “Nshatala nandapo ukuti Ndi kasesema.”

¹⁹⁹ Ena atile, “Lelo abantu bakumona nga ico. Iwe lyonse ulasantaula balya abanakashi, palwa kufwala utuputula,” kibili—kibili, oh, umuntu wa Pentecost. Kibili atile, “Palwa kufwala bakaputula, nokubeya imishishi yabo, nefintu.” Atile, “Ulya temulimo obe.”

Natile, “Mulimo wakwa nani nomba?”

²⁰⁰ Kibili atile, “Balya bantu, mulandu nshi tekuti usambilishe balya abanakashi ifyo baligile ukuba, ukukwata ifya bupe ifikalamba ifya bumupashi, no kwafwilisha abantu, mucifulo cakwesha uku...” Atile, “Bena balakumona. Ifyo ubeba, bena kuti bakucetekela.” Atile, “Mulandu nshi tekuti ubebele ifya kukwata ifyabupe ifikalamba nokwafwilisha abantu, mucifulo cakulabebeaula lyonse?”

²⁰¹ Natile, “Kuti Nabafunda shani insamushi shafishibilo nefilembo ilyo bena tekuti basambilile naba ABC babo?” Mwamona? Mwamona?

²⁰² Mulingile ukutampa ukufuma pesamba, lapileni nga teifyo konaika! Nomba kuti mwacita icamisekesha, lapileni nga teifyo konaika! Yesu Kristu nailangisha palwalala Umwine muno, ubushiku no bushiku. Kibili ino ninshita yabushiku tulepilibukila kuli ili pusukilo. Nintampulofye ishinono pamulu palya, kibili Ninkwata inshita iyingi iyakulolela.

²⁰³ Ibukisheni, ba Brmingham, umulopa wenu tauili pali ine. Ndi wakaele. Kibili nga imwe mucine cine mwalikwata Mupashi wa Mushilo, namukwata ishuko lyakwisa nomba. Kibili nga ulecushiwa nesambilisho limo ilya chalichi ilyo lyalenga iwe ukukwata ukulaba kwakumupashi, cinshi tekuti wishile? Yesu ekondapa. Bushe tawaise?

²⁰⁴ Nomba abantu bambo nabafuma palya pamuulu. Nacilalolela ukumona uko bena baciba, baleya nangu baleisa kucintamba. Aba kuno lubali, iseni kuno. Ico nacilungama. Imwe mwe bali muno, iseni mwiminineni ukushinguluka icipailo, tileni, “Nimpwisha neci.” Ee, bena baleisa, banamayo babilo. Ico cili bwino.

²⁰⁵ Isenifye kuno nomba. Intampulofye ishinono ukufuma kuli cena. Kibili shilya ntampulo limbi kuti shapanha ubupusano.

²⁰⁶ Nomba, moneni, Ndefwaya ukumipusha icintu cimo. Nga cakutila Ena aisa muno bushiku? “Oh,” mwatila, “Ena taleisa.” Nshishibe nga cakutila Ena aleisa nangu iyo. Ici e cisibili cakulekelesha. Ibukisheni, EFYA SOSA SHIKULU! Bushe mwalitala umfwapo nalanda lelo ifyo cena cali icine? Imwe mulemona cisibili cenu icakulekelesha. Ico camu Malembo. Mwalimona cisibili cenu icakulekelesha, Pentecosti. Mwifulunganishiwa nomba nefyo Alaile Israeli panuma ya Kusendwa; ico temwe. Imwe nacipwa, lyena. Mwamona? Nomba e bushiku bobe. Nomba e cisibili cobe. Nomba e nshita yobe. Wi Cikana. Wiesha ukucicita ico. Ulingile ukwisa. Nauncetekela ukuba umubomfi wakwa Lesa? Ibukisheni.

²⁰⁷ Birmingham, Nshatala kumanyapo abawamishapo abantu. Imwe muli bantu abawamishapo abo Ningafwaya ukukumanya mumweo wandi, lelo imwe mulekabila ukupuputulwa. Mulefwa. Namukwata ukulaba kwakumupashi. Mulefwa. Mwicita ico. Puputuleni ico mukwete. Cileteni nakabili, bwangu bwangu, ilyo Yesu talaisa.

²⁰⁸ Cisuma, ilyo bena bali... Twalilileni ukwisa. Lekenifye bena batwalilile ukulaisa mpaka tupwishe bonse, abo Shikulu aleita, kuno lubali. Iseni nomba.

²⁰⁹ Fumyenipo uko kulaba kwakumupashi. Shing’anga umukalamba epo ali nomba ukuposha ico, ukucifumya pali iwe. Nashininkisha ukutila Ali muno. Nibanga abali

nokulangisha ico, ukupitila mukwimya ukuboko kwenu, tileni, "Ine mucine naliciceetekela; ukutila Alandile ukutila Akacita ici"? Mwamona? Nomba Ali pano. Mwamona? Mwamona? Imwe mwalicetekela.

²¹⁰ Kibili ni banga beshibe ukutila Ndemyeba icine, ukutila imwe mulefwa nokukabila ukupuputulwa? Mwamona? Cena cishinka.

²¹¹ Imwe muli bantu abasuma. Imwe tekuti musange icacilapo. Takwaba imitima iitunta iyawama, ukucila pesamba ly aya malaya ayakale aya ku Kapinda ka kukuso kuno. Ico nacilungama, abantu abacine! Lelo, bacibusa bandi, mulingile ukubuka, bwangu bwangu! Muli ora iyo tamuletontonkanya, cena limbi kuti cacifico. Cena limbi tekuti cicitike; Nshishibe.

²¹² Lelo, ibukisheni, mulesokwa umuku wakulekelesha, eico fulumukeni ilyo mukwete inshita yakubutuka. Iseni nomba. Ilyo lyonse baleisa, Ndi nokutwalilila ukulolela, nalimo kuti kwaba... Umweo umo walingana nefyalo amakana ikumi. Kabili ilyo abantu baleshininwa...

²¹³ Kuti nafwaya ici caisaba mukupuputulwa ukukalamba icingaba mumachalichi ayashinguluka ino ncende. nga kuti mwaonaula ukupusana kwenu nokufumyapo ukuitemwa konse, nokusumina Mupashi wa Mushilo. Mwatile mwali Ucetekela. Mwatile mwali Ucetekela, kibili, ilyo Waisa mukwishibikwa Uwine, lyena mwaselako ukufuma kuli umo nomunankwe. Mulandu nshi teti tulundile imitima yesu ku Cebo cakwa Lesa nokucetekela Icine? Ifyo efyo caba. Mwakulatwalilila ukufwa, ukufwa, kibili muleya ukutwalilila ukuya ku Laodekiya. Ifyo fine efyo Alaile, Cena cikaba muli ulya musango. Bushe tamwaise nomba? Nomba e bushiku. Nomba e nshita yapokelelwa. Moneni ifyo Mupashi wa Mushilo ali nokucita.

²¹⁴ Nomba Ndefwaya bakapyunga bonse pano, abasakamene aba bantu, iseni mupepe naine, pamo. Iseni kuno, bonse bakapyunga abo abaposele amano kuli aba bantu. Iseni, mwisefye kuno kwine, nokwisa mukati ka bantu, kapyunga nangu umubomfi, umubomfi umusuma, namayo uwingeminina naba banamayo nomba. Ndi nokucetekela, nomutima wandi onse, ukutila Mupashi wa Mushilo ali nokwisa muli ici cifulo pano pene nomba nokwishibikwa Uwine eka pakati ka bonse aba bantu.

²¹⁵ Nomba lekeni nsambilishe aba bantu pano, intanshi. Nomba, mwe banandi, conse ico mubelele pano, Ena alishiba. Kabili kuti Nashinkisha cena kuli imwe, Cena cili nokusenda, umo umo, ukumileta kuno kucintamba, kibili takwabe icintu ico Ena taishibe. Nomba ico caba ukutula ilyo Nali umulumento umunono. Ico icabupe tacaba mukwipushwa. Lelo ilipusho lili, bushe kuti mwacipokelela? Bushe mulecicetekela? Nomba Ena ali pano. Ukuba, nga Ena ali pano, lyena kulifye icintu

cimo, Ena alasunga i Cebo Cakwe. Nomba cetekelenifye ukutila muleupokelela, nokuusumina, nokwima nokutila, “Shikulu Lesa, Ndi pano mukuusumina,” kibili ikalenifye mpaka cicitike.

²¹⁶ Nga fintu Buddy Robinson alandile inshita imo, mwibala lyamataba. Atile, “Shikulu, nga Tamwampele Mupashi wa Mushilo, ilyo Mukabwela Mukesasanga umwina wa mafupa ayalambalele apa pene.” Ena ali uwabufumacumi nganshi. Kibili imwe tamwakapoke icintu icili conse ukufuma kuli Lesa mpaka mube abapelelwanganshi.

²¹⁷ Nomba, bushe namumona ifilimwa fyamuli shino nshiku, bushe namumona ileelo ifyo tucita? Ifwe, ukuba, twalikwata Lesa uwatulinga mpaka twaisa kucintamba, twatila, “Ee, nalimo Ningile ukwisa.” Nomba uku e kuditamo kwe sonde. “Ee, Ningile ukuya kulya nokwiminina.” Mwatila, “Ukuba, ukuba, Nshishibe. Pano epo Ndi, mwamona.” Hum! Wencende yakubamo we! Tamuli umulilo uulepya. Tamuli ukusansamuka. Tamuli “ingila muli Cena!” Kibili, nga kasabankanya wa mbila nsuma, ico cilanjipayafye ukumona abantu bakwa Lesa muli iyo mibele. Tufwile tulebilima.

²¹⁸ Lelo, mwamona, cena ni cinshi? Cena nifyofinefye fintu Namyebele. Ukusokolola 3, “Uli uwacifulefule. Kibili,” Atile, “pantu uli uwacifulefule, nomba Ndi nokukufwisa ukufuma mukanwa Kandi.” Ico nacilungama? Ifyo efyo Alandile. Kibili, nga Alilandile ico, ifyo efyo Ali nokucita. Eico mwileka ifwe tube lilya ibumba.

²¹⁹ Muli pano, abakabila. Lekeni tu Usende, nangu tufwe, pano pene. Ico nacilungama. Lekeni tu Usende, nangu tufwe.

²²⁰ Nomba, munyinane umutemwikwa, nkashi, nga kuti Naissa nokukwafwilisha ukucita icintu cimo, ine mucine kuti Nacicita. Nomba, ukupitila mucabupe, kuti Namyeba ifyo mubelele pano. Kuti namyeba ifyo cili, ku Mupashi wa Mushilo, ukupitila ku Mupashi wakwa Lesa, ukumyeba ico mwishile, ifyo mwacita, ifyo ku ntanshi kukaba, nangu icintu cimo ngeco; lelo ico tacipwisha ico. Imwe mulingile uku Cisumina, mwebene. Nimwe mufwile mwacita ico!

²²¹ Nomba bushe namuiteyanya? Imyeni ukuboko kwenu, tili, “Ndi uwaiteyanya. Ndi uwaiteyanya ukufwila pano pene.” Nomba mwiesha ukucicita kanofye mwacipilibula. “Ndi uwaiteyanya ukufwila pano pene, nangu ukupoka ifyo Ndefwaya ukufuma kuli Lesa.” Amen. Bushe muli abaiteyanya icine cine?

²²² Elyo lekeni ibumba liminine, ukuli konse. Nomba capamo, capamo, lekeni twikatane fwebene pamo. Natupepe. Kibili lekeni fye... Imwe bakapyunga nomba kabiyeni kuli aba bantu pano, cila umo, kibili muleimininako amaboko yakwa Kristu nomba.

²²³ Imwe mwe balefwaya Mupashi wa Mushilo, imwe mwe balefwaya kulya ukwishiba, te kusansamuka kwa fyakumfwa

umfwa; mulefwaya Mupashi wa Mushilo, Umweo, akabulungwa ka Mweo mukati kenu. Kabilis mulefwaya ukufumyapo uko kulaba kwakumupashi ukulemilenga imwe—imwe mufilwe uku ishiba mwebene; tamwishibe apo mwiminine; tamwishibe untu mwaba; lekeni tucifumyepo nomba line! Pali Ukufyalwa cipyia cipyia ukwenu pano, ukutuntulu, ukwacine Ukufyalwa cipyia cipyia.

²²⁴ Nomba lekeni tubike indupi shesu pali aba bantu. Lekeni ifwe, cila umo, twimye amaboko yesu nokupepa nomutima umo.

²²⁵ Mwe Taata uwa mu Myulu, mwi Shina lyakwa Shikulu Yesu, peleni, Shikulu, ukutila mwi Shina lyakwa Yesu Kristu, ukutila Mupashi wa Mushilo alaisa muno bushiku, cino Cibelushi ubushiku, uko Mupashi wa Mushilo wawile nge cipupu icikali ica mwela. Lekeni aba bantu babatishiwe mu Mupashi wa Mushilo. Lekeni Umulilo na Maka yakwa Lesa fikabasha. Nga bena bali muno mulucelo, lekeni bekale, mpaka Mupashi wa Mushilo waisa.

²²⁶ Ilyo e tontonkanyo! Uyo eo! Uyo Uli apa. Uyo e Mupashi wa Mushilo uuleisa. (Ine nalicitia ico. Ine nalishiba ico.)

Epelafye. Mu Ucetekele nomba! Upokeleleni Wena!
Isushiweni na mapalo Yakwe.



UKULABA KWAKU MUPASHI BEM64-0411
(Spiritual Amnesia)

Iyi Mbila na Munyina William Marrion Branham yaletelwe intendekelo mu Cingeleshi pa Cibelushi mucungulo bushiku, muli Shinde pa 11, mu 1964, ku National Guard Armory mu Birmingham, Alabama, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org